


五古古

音音  
色

駢駢

線線





線 色 五

詳 不 人 撰

叢書集成初編

(補印本)

五色線及其其他二種

一九三九年三月初版

一九五九年十月補印

陸 賈 撰

商務印書館出版

上海虹口印刷廠印刷

五色線卷上

東吳毛晉子晉訂

渾天儀

晉天文志張平子作銅渾天儀崔子玉爲碑銘  
曰數術窮天地制作侔造化高才偉藝與神合  
契

紫氣 黃象

洞真大隱書云金霞紫虛道書天事

星曲似眉

春秋元命苞曰天有攝提人有兩眉爲人表候  
陽立於二故眉長二寸注曰攝提兩星頰曲人  
眉似之

奎璧

晉天文志二星主文章天下圖書之祕府星明  
王者興道術行國多君子星失色大小不同王  
者好武經士不用圖書隱

龍尺木

獻帝春秋曰龍欲騰翥先階尺木

月暈風生

造化權輿云葭灰缺而月暈決雞翅焚而颼風生

少女風

風名古詩云宜男草頭珠露下少女風前玉葉

收

四雲

呂氏春秋山雲草莽水雲魚鱗旱雲煙水雨雲  
水波也

雨香

征途記曰蕭總會遇洛神女相見後至葭萌逢  
雨認得香氣曰此雲雨從巫山來獨我知之

天雨米

伏虔古今注惠帝三年桂宮陽翟俱雨稻米

雨綿

伏虔古今注漢帝永和年長安雨綿皆白

琢米

文子曰巧冶不能銷木良匠不能琢米

三月米

京房曰三月米歲不成四月米天下荒五月米  
其國亡六月米天下兵

木斤



洪範五行傳言木兵者名曰木斤有甲冑之象  
闌干石乳

梁裴子野上朝直雪詩沐雪欵千門擲風朝萬  
戶集霰踰丹殿流雲飄繡柱滴瀝垂土膏闌干  
懸石乳

臥雪

宋玄白夏則衣綿冬則單衣臥雪中去身丈餘  
周匝氣出如蒸而雪不凝

金牛

異苑有人見積雪久而不消掘地下見藏中有  
金牛

玉馬

東瀛公營中見積雪不消數日怪而掘之得玉  
馬高三尺

仙衣拂石

禪林法要云大石周圍八十里有天人着六銖

衣下拂其石每一劫一拂不盡乃終劫也

蛤中佛

續酉陽隋帝嗜蛤所食數逾千萬忽有一蛤椎擊如舊帝異之寘几上一夜有光及明肉自脫有一佛二菩薩像帝悔不食

徵內典中禽事

鷲頭作嶺雞足名山孔雀爲經鸚鵡語偈字中  
疑鶴珠裏認鵝

獸事

金翅鳥王銀角犢子地名鹿苑塔號雀離啐啄

同時慵悞調伏

同上

半面笑

幽明錄賈弼夢見人曰愛君美貌欲易君頭許  
之後能半面笑半面啼兩手把筆文辭各異

短人行案上

漢武帝故事時東都獻短人長五寸上疑是山

精常令人行案上東方朔問曰巨靈如何 阿  
母 否

金椎子

續酉陽雜俎新羅國人名笏奄有弟甚富笏奄  
因分居乞衣食國人有與其隙地一畝乃求蠶  
穀種於其弟弟蒸而與之奄不知也後生一蠶  
大如牛食葉數樹不足其弟知而殺之四方百  
里內蠶飛集其家謂之蠶王四隣共繰之不息

穀惟一粒穗長尺餘芴也常守之忽鳥啣去芴  
也逐之上山鳥入石罅芴也因止石側至夜半  
月明見群小兒赤衣共戲一小兒曰你要何物  
一曰要酒小兒露一金椎子擊石酒及樽悉具  
一曰要食又擊之餅餌美炙羅于石上良久飲  
食而散以金椎插於石罅芴也取其椎而歸所  
欲隨擊而辦因是富侔國常以珠璣贍其弟乏  
後其弟效之爲群鬼所執令築糠三板拔其鼻

如象而歸

石函中人

酉陽雜俎有人打牆掘地遇一石函發之忽有  
一人起於函中被白髮長丈餘振衣而起出門  
失所在蓋道門太陰鍊形日將滿人必露之

異蜂

續酉陽雜俎龍門有一蘭若庭多古桐一年桐  
始華有異蜂聲如人吟咏禪師視之具體人也

乃以捲竹幕巾網獲一鳥寘於紗籠中微聆嗟  
呼聲忽一日其類數百有乘馬輿者大小相稱  
積於籠外語聲甚細師潛聽之有曰孔昇翁爲  
君筮不祥君頗記無有曰君已除死籍又何懼  
有曰叱叱子爲青童君奕勝獲琅玕紅十幅君  
出可爲扎星子詞當爲料理禪師舉籠放之經  
次日有人長三人尺黃羅衣步虛止禪師屠蘇  
前狀如人語我三清使者上仙伯致意多謝忽



失所在

籠中書生

酉陽雜俎續齊諧云許彥行遇一書生臥路側云足痛求寄鵝籠中彥戲許書生便入籠中與多鵝並坐負之不見重至一樹下書生乃出謂彥曰欲設薄饌乃於口中吐一銅盤盤中海陸珍羞方丈盈前又曰向將一婦人來今欲招之遂吐出一女子年十五六容貌絕倫接膝而坐

俄書生醉臥女謂生曰向竊一男子同來欲呼  
至又吐出一男子年二十餘明恪可愛書生欲  
覺女復吐錦行障障之久而書生起復吞此女  
子及諸銅盤惟留大銅盤與彥曰無以藉意與  
君相憶也

瓦龜

續列仙傳術士王瓊常令取一瓦子画作龜甲  
乃懷之一食頃取出放庭中終日循垣而行經

宿却成瓦子又取花房點藥封密器中一夕花  
開

公遠隱形

玄宗學隱形於羅公遠或衣帶巾脚不能隱玄  
宗怒慢罵之公遠遂走入殿柱中極疏上失上  
愈怒令破柱復大言於玉礪中乃易礪觀之礪  
明瑩見公遠形在其中長寸餘因碎爲十數段  
悉有公遠之形上懼謝忽不見後中使于蜀道

見之 同上

天翁白雀

天翁姓張名堅常張網得一白雀愛而養之夢  
天劉翁欲殺之白雀輒以告堅終莫能害天公  
遂下觀之堅乃竊騎天公車乘白龍振策登天  
天公乘餘龍追之不及堅既到天宮易百官杜  
塞北門封白雀爲上卿侯以劉公爲太守主死  
生之籍 同上

王清本

元和初有人伐枯栗樹忽有黑蛇舉首曰我王清本也汝勿斫後王清本伐之掘其根得散錢二大甕因是遂富甕錢形龍號王清本

同上

玉辟邪

唐肅宗賜李輔國玉辟邪二各高一尺五寸奇巧非人間所有奇玉之香可聞數百步輔國常置座側一日方巾櫛而辟邪一則大笑一則悲

啼涕泗交下輔國惡其怪碎之如粉不周歲輔國就誅

### 採青蛇

孫思邈見小青蛇被傷血出脫衣贖而採之後見一白衣少年下馬拜謝迎至一城郭若王者之居見一人白帽絳衣侍從甚衆欣喜相接延入宮門內見中年女子領一青衣小兒再三拜謝云此兒癡騃爲人損傷賴救免害後以輕

綃珠金贈之思邈不受遂取龍宮藥方三千首  
與之云此可以濟世拯人云

以上並出續仙傳

鼓髯

邢和璞延一異客色如削瓜大笑吻口侵耳與  
邢劇談多非人間事謂崔曙曰向客上帝戲臣  
也復言崔太山老君後身

神蛇獬狴

神蛇斬之則斷而復續獬狴擊之則死而復生

著龜

論衡云巨著七十歲生一莖七百歲生十莖神靈之物則生遲留歲長久賢儒在世猶靈著神龜也

焚桑

異苑云元緒龜名千歲桑乃可烹之

一角羊

論衡獬豸一角之羊也性知有罪臯陶治獄其



罪疑者令羊觸之

五丁力士

蜀王本紀天爲蜀王生五丁力士能徙山秦王  
獻美女與蜀王王遣五丁迎女見一大蛇入山  
穴中五丁共引蛇山崩壓殺五丁化爲石也

橐駝潛識泉源

郭璞讚曰駝唯奇畜肉鞍是被迅驚流沙顯功  
絕地潛識泉源微乎其智

易腸鼠

梁州記有仙人唐公舊宅山有易腸鼠一月三吐易其腸東廣微所謂唐鼠也博物志曰唐房升仙雞狗並去惟有鼠留不將去鼠悔一月三出腸

候日蟲

洞真記畢勒國獻細鳥以玉籠方尺盛之數百頭形如大蠅狀如鸚鵡聲聞數百里之間如黃

鵠也國人常以此鳥候日亦名候日蟲也宮內  
嬪御皆悅之有集於衣者輒蒙愛幸武帝末稍  
稍自死人服其皮者多爲大丈夫所媚

白猿

周群學于山中有白猿化爲老人而至授群書  
一卷乃黃帝而下曆日也群後遂明陰陽吳人  
謂陰陽之精

樗蒲有神

晉樂志慕容寶因燕樛蒲危坐整容誓之曰世  
云樛蒲有神豈虛語哉若富貴可期頻得三盧  
於是三擲盡盧故云五木之祥

寶光珠雀

天地運度經太山北有桂樹七十株天神青腰  
玉女三千人守之其實赤如橘人食之一年仙  
官迎之常有九色飛鳳寶光珠雀鳴集於此

綠衣女子

劉交居若耶溪忽聞有人採蓮喧笑聲交以溪左右無人居甚訝之乃斷柳枝蔽身視之忽見十餘女子從一華林而出皆衣青綠年十六七入叢蓮相對而謔交乃棹舟以逼之諸女皆化爲龜入水

窄衣童子

會稽仙記元道康居林慮山書齋常有雙燕爲巢忽爲人語道康問之曰我爲上帝所罰暫爲

禽耳來日午時將歸可於前溪爲別道康獨至南溪俟之有二燕飛來投磔下一化爲窄衣童子一化爲青衣女子前謂道康曰今以賢相命來此無以留訣賢有隱操幽陰見嘉加賢壽四十歲相報言訖飛去

### 青蚨

搜神記曰青蚨似蟬而差大其味辛可食每生子必於草葉大如蠶子人將子歸則母亦飛來

卽以母血塗錢八十一文以子血復塗餘錢每  
市物或先用子者卽母歸用母卽子歸之如此  
輪還無已

燭龍

山海經曰西海水亦有龍尾山神人面身而赤  
身長千尺其眠乃晦其視乃明不食不寢風雨  
是謁能請致風雨是謂燭龍

靈龜五彩

說苑曰靈龜之文五彩似金玉背陰向陽上圓象天下方象地

馬垂韁

符堅時大宛國獻千里馬堅後爲姚萇所敗落馬墮坑中不能出馬乃垂韁跪膝向堅堅乃得出

几化麕

葛仙翁憑桐木几於女几山學仙得道後几化



爲三足白麂時出於山上

闡編郎

雜俎太極真仙中莊周爲闡編郎八十一戒千二百善入洞天二百三戒二千善登山上靈官萬善升玉清白痣見腹名在瓊簡者目有綠筋名在星書者眼四規名在方諸者掌理回菌皆上仙也其次鼻有玄山腹有玄丘亦仙相也

玄妙玉女

雜俎老君母曰玄妙玉女天降玄黃氣如彈丸  
入口而孕凝神瓊胎三千七百年赤 開運歲  
在甲子誕於扶力又曰老君在胎八十一年剖  
左腋而生生而白首又曰李母本元君也日精  
入口吞而有孕三色氣繞身五行獸衛形如此  
七十二年而生

### 穿盤石

先生入焦山七年老君與之木鑽使穿一盤石

石厚五尺曰此石穿當得道積四十七年石穿  
得神仙丹訣矣

雲腴

神仙傳仙方有九品其四曰朱光雲碧之腴赤  
雲腴

賀自真

子晉鸞飛古洛川金桃再熟賀郎仙三清樂奏  
嵩丘下五色雲屯御苑前朱頂舞低迎絳節青

鬢歌對駐香輶誰能白晝相悲哭太極光陰一  
萬年賀自真飛昇而去

蓬萊隔弱水

謝自然聞司馬承禎居玉霄峰遂詣焉後告別  
承禎挈一席以投于海泛於波上隨新羅船載  
之俄到一山獨遊一處有道士數人侍香皆青  
衣中有一人花冠霞帔自然入謁道士笑曰蓬  
萊隔弱水此去三千里非舟楫可行非飛仙莫

到承禎名在丹臺身居赤城乃良師也

斬邪劍

鄧去奢居山學道有神人謂曰張天師有斬邪劍并瓶盛丹在此石下可以取之去奢辭以不敢輒取後三年神人遂以劍丹送與之

鳳髻霓裳

李言妻裴玄靜常獨居靜室夜中聞人笑聲李疑之乃壁隙窺之見二女子可十七八鳳髻霓

裳姿態宛麗侍女數人皆雲鬟絳服綽約在側  
後有仙女奏樂白鳳載玄靜升天而去

### 威逍遙

威逍遙薊尋妻也獨處一室絕食靜想忽晨起  
屋裂如雲但見所服衣履在室內而逍遙與衆  
仙在雲中

### 玉霄峯

司馬承禎隱於天台玉霄峯自號白雲子一百

餘歲童顏輕健一日告弟子曰今爲東海青童  
君東華君所召必須去人間遂尸解去

騎赤鯉

列仙傳琴高先生在冀州教學二百年入水中  
騎赤鯉魚出得水仙

青單衣

神仙傳曹公欲殺左慈出市忽失之不知一市  
數萬人皆眇目葛巾青單衣不知所取

青霜袍

內傳上元夫人降武帝宮服青霜袍雲色亂目  
許宣平

每醉唵曰負新朝出賣沽酒日西歸路人莫問  
歸何處穿白雲行入翠微又題壁詩云隱居三  
十載築室南山巔靜夜玩明月閑朝飲碧泉樵  
人歌隴上谷鳥戲巖前樂矣不知老都忘甲子  
年



縮地脉

壺公有仙術能縮地千里

食桃

咸通中許明奴家嫗入山林採樵於南山見一人坐石上方食桃甚大問嫗曰我許明奴之祖宣平與汝一桃食之不可將出嫗食桃甚美其後增食日漸童顏入山不歸行疾如飛

二栗

王可交棹漁舟入江遇一彩舫有道士七人玉冠霞帔侍從十餘人鬃角雲鬟面前各有青玉盤酒器呼可交上舫命與酒喫侍者瀉酒於尊酒再三不出道士曰酒靈物若得入口當換其骨瀉之不出亦命也一人曰與栗出俄取二栗與之其栗青赤光如棗長二寸許嚙之有皮非人間之栗肉脆而甘可交食栗之後絕穀連靜若有神助

徐鈞者

常自吟曰曾見秦皇架石橋海神忙迫漲驚潮  
蓬萊隔海雖難到直上三清却不遙

青黎火

劉向外傳上元夜太一神是夜人皆遊賞惟劉  
向獨在家讀書太一神遂以青黎照劉向王介  
甫和劉貢父上元詩云不知太一遊何處定把

青黎獨照公

姮娥

昇得仙藥於神人未及自服其妻聞而竊食奔  
入月中爲姮娥李白詩曰借問單棲與同穴可  
能雲漢勝重泉

九隴殘經

神仙傳唐道士姜玄辨至德中於九隴伏龍觀  
拾得殘經四五紙是太上役使六丁法

驅蛟邪

續仙傳曹德體行符藥有一女子爲蛟所魅德體與符投之忽見潭水翻湧水中霹靂蛟已死矣而女子會失其病

葉千韶

葉千韶辟谷服氣忽有白衣人拜千韶言君道德臻備仙籍褒升當在人間役使鬼神今神人將降無畏俄頃雲中有遠遊朱衣真官一人神將十餘人皆帶劍佩龍虎符部從鬼神甚衆有

二黃衣綠衣吏各執簿一卷謂曰天命授君此  
簿神將吏兵幸備役使千韶拜授天書後長嘯  
則風生林壑噴水則雨流源野擦地則雷鳴轆  
轤書空則電光爍人後濠州刺史劉昉忽中風  
垂死千韶策杖入州曰感我此來使君再生矣  
於是書符三道貼於肩脇腿曰驅風從脚出三  
日當愈風果颼颼從脚心出三日平復

酌水爲酒

殷七七酌水爲酒削木爲脯指船卽住呼鳥自  
墜唾魚卽活撮土畫地狀山川形勢折茅聚蚊  
變山以爲人物

譚生拄杖

譚峭字景升線作長江扇作天靽鞋拋向海東  
邊蓬萊信道無多地只在譚生拄杖前

沙書化龍

杜昇能沙書好作水椀及盆中以沙書龍字浮

而左右轉或叱之飛起高餘丈隱隱若雲霧作  
小龍形呼之復下水中

### 水戲

張志和爲水戲鋪席水上獨坐飲酌嘯咏其席  
來去如刺舟聲揮手以謝親賓上昇而去

### 唾漆

列仙傳曰以主人相爲作漆以罌十枚盛水覆  
口以唾之皆成漆也



二桃枝二年

\*

釋惠霄至長白山忽見一寺門宇炳煥見一沙  
彌與二桃枝語霄曰至此已淹留可知矣霄出  
回顧失寺見弟子言失和尚已二年矣始知二  
桃枝二年

陽臺

史記楚襄王夢與巫山神女會陽臺乃神女廟  
名也故詠史詩云楚國城池颯已空陽臺雲雨

去無踪何人更有襄王夢寂寂巫山十二重

蝦蟇舞

神仙傳曰葛公指蝦蟇舞皆應節使止乃止

白獸樽

晉樂志正旦元會設白獸樽於殿庭樽蓋上施白獸若有能獻直言者則發此樽飲酒

百華燈

魏武帝都鄴燕會文昌殿用漢儀又設百華燈

鬪百草

荆楚記三月三日四民踏百草今人因有鬪百草之戲鄭谷詩云何如鬪百草賭取鳳凰釵

競渡

荆楚記屈原以五月五日投汨羅江死時人以舟楫救之故梅聖俞云南方傳競渡多在屈原

祠

襍子

晉時程曉詩平生三伏時道路無行車閉門避暑臥出入不相過今世襍襪子觸熱到人家主人聞客來嘖感奈此何搖扇臂中疼流汗正滴沱傳語諸高明熱行宜見嘢

乘小駟按轡木陰下

上幸繡嶺宮以行宮狹隘將避暑於佛寺上謂高力士曰姚崇多計策往覘之回曰姚崇方乘小駟按轡木陰下上曰吾得之矣遽命小駟頓

忘煩澹

浮瓜沉李

魏文帝與吳質書曰浮甘瓜於清泉沉朱李於寒水李安度荔子詩云浮瓜沉李謾垂名

金波玉葉

梁元帝對燭賦日月似金波初映空雲如玉葉乍收風恨九重兮伊夕怨三秋兮不同

李白祠亭別杜考功詩

我覺秋興逸誰言秋興悲山將落日去水共晴  
空宜烟歸碧海夕雁度青天時相去各萬里茫  
然空爾思

八能行事

後漢禮儀冬至夏至陰陽晷景長短之極微氣  
之所生故使八能之士八人以次行事

菊水

枹朴子南陽酈縣山中有甘谷水谷左右皆生

甘菊花墮其中世久水味變居民悉食谷水無  
不壽考高者百四五十歲下者八九十歲

九疊屏

李白廬山謠曰廬山秀出南巖傍屏風九疊雲  
錦張

玉輪江

陸善長水經云江水源出玉輪山在蜀西

舞水

記義宣城曰蓋山有舞水聞人歌湧出

玉笥山

名山記朱孺子吳末入玉笥山食菊花乘雲上天

金牛渚

袁嶠江賦有金牛渚張安見金牛帶鎖於水上因名之

銅龍堰



語林曰晉文公欲脩九龍堰掘地得石函水銅龍六枚堰遂成故名銅龍堰

蟻壤寸而有水

韓子栢公伐孤竹山中無水隰朋曰蟻冬居山之陽夏居山之陰乃掘之遂得水

鴛鴦水

見宋之問詩

玉醴泉

見十洲記

火禍池魚

風俗通城門失火禍及池魚按百家書曰宋城門失火因汲池水以沃之池中空竭魚悉露死喻惡人之滋并中傷良善也

淡水魚

雜俎曹植說庾水曰鹹水之魚不游於江淡水之魚不入于海寧去累世宅不去鯿魚額○洛

鯉伊魴貴於牛羊

犀

雜俎犀之通天者必惡影常飲濁水或云犀角  
通者是以病然其理有倒插正插腰鼓插倒者  
一半以下通正者一半以上通腰鼓者中斷不  
通

犀墮角

雜俎犀墮角埋之人以假角易之

蛤詩

蟲因雀變化不逐月虧盈縱有天中匠神工詎  
可成

燕化蛤

說文曰海蛤者百年燕所化也

蝦頭杯

南越志曰南海以蝦頭爲杯鬚長數尺金銀縷  
晉康州刺史常以杯獻簡文用以盛藥未及飲

無故湧躍於外時廬江太守曲安遠頗解術數  
卽令筮之安遠曰卽三旬後庭將有吉慶者

長鬚國

雜俎乃蝦也有士人隨新羅使至一處號長鬚  
國拜士爲駙馬見姬嬪悉有鬚士人賦詩曰花  
無藥不妍女無鬚亦醜丈人試遣總無未必不  
如總有王笑曰駙馬竟未能忘情於小女頤頷

間乎

龜有八名

雜俎一曰北斗二曰南辰三曰五星四曰八風  
五曰二十八宿六曰日月七曰九州八曰玉虛  
凡八名其龜圖各有文在腹下云某之龜得之  
者財物歸之富至十萬蠅蚋不敢集其上

象

御象一事珣之數無鈞不可惟猊可伏非駝所  
堪與馬同渡負猴而行六牙生華七支柱地圖

開脇上河出鼻中一醉難調六對曾勝

牝犢

何承天纂文牛羊無角謂之牝

苦戈反

牛羊角

長謂之犢

放牛逐兔

焦貢易林放牛逐兔費日無功

銀牛

太原縣北有銀牛山漢建武中有人騎白牛蹊

人田田父呵詰之乃曰吾北海使將看天子登  
封遂乘牛上山田父尋至山惟見牛迹遺糞皆  
銀也明年世祖封禪

### 金驢

金驢一鳴天下太平

並出雜俎

僧住金榆山

所乘驢上山失之樵者聽其鳴曰云云

### 決波驗

雜俎骨利幹國獻馬十疋尤駿上爲製名決波



驗者近後足有距

馬

馬虜中護蘭馬五白馬也亦曰玉面涪真馬十  
三歲馬也

龍子

開元時得異馬於齊魯之郊名曰龍子

獬廌窮奇

獬廌見鬪不直者觸之窮奇見不直者照之均

是獸也其好惡不同故君子以獬豸爲冠小人以窮奇爲名

### 黃耳傳書

晉陸機有狡犬黃耳能傳家信故羅隱江東旅中感懷云書憑黃犬路何長

### 胡蘆生

雜俎裴氏遇病鶴翅瘡老人曰須三世是人血可治惟洛中胡蘆生三世人矣裴至尋得之授

針刺臂滴乳滿合授之至鶴處塗之損處生毛  
矣

九鳳

前嘯九鳳

八鸞

八鸞鶴鶴

玉虬

見庚鬪詩

瓊鸞

見陸機詩

舞鏡鸞

白氏集孤鸞見鏡覩其形謂爲雌必悲鳴而舞

鳳

雜俎雄鳴節節惟足足行鳴曰歸嬉止鳴曰提

袂

麒麟

牡鳴曰逝一作遊聖牝鳴曰歸和春鳴曰扶助

夏鳴曰卷綏鳥有四千五百種獸有二千四百種

鷹飢附人

權翼諫符堅曰暮容垂猶鷹也飢則附人飽則高颺宜急其羈絆不可任其所欲

兜兜鳥

兜兜鳥其聲自號形似鴈鴒

白鵲巢

雜俎貞觀中有白鵲巢于寢殿前槐樹上左右  
稱賀上曰我常笑煬帝好祥瑞瑞在得賢此何  
足賀命毀其巢鵲放於野林

東立朝雨霽

北堂書鈔李孝貞詠鵲東立朝雨霽南飛夜月  
鳴東方朔傳曰孝武坐未央前殿天新雨止東  
方朔屈指獨語上問之對曰殿後栢上有鵲立

枯枝上東向而鳴視之果然問何以知之曰風從東來鵲尾長傍風則傾倍則厥足必當順風而立是以知也

黃雞伏卵

通典晉袁喬妻于氏上表論養子議曰鄙諺有之黃雞生卵烏雞伏之但知其爲烏雞之子不知爲黃雞之兒小可以喻大

明羽雞

洞冥記祝雞翁善養雞得遠飛雞之卵伏之名  
曰翻明雞如鶴火色有八翼翼下有目亦曰鳴  
羽雞也

五時雞

影娥池北有鳴琴之苑有伺夜雞隨鼓節而鳴  
從夜至曉一更爲一聲五更爲五聲亦曰五時  
雞

楚雞



笑林楚人有擔山雞者路人問之曰此鳳凰也  
乃酬千金與之方將獻楚王經宿而死其人  
不惜千金與恨不得獻耳

鵝

濟南都有鵝浦有漁人居水側常聽鵝聲衆中  
有鈴聲甚清亮候之見一鵝咽項極長羅得之  
項上有鈴以銀鑽隱起元鼎元年字

田饒言雞有五德文武勇仁信是也陸機言蟬有五德文清廉儉信是也

喜日鵝

洞冥記日出時啣翅而舞又名喜日鵝

昇菟鴨

毛輕上美菟下食五穀啞葉乘露亦曰丹毛鳧

同前

青鴨

洞冥記帝昇望日臺有三青鴨群飛而上化爲

三小童

鳥獸能言

記云鸚鵡能言不離飛鳥猩猩能言不離禽獸  
羅隱詩云猩猩鸚鵡無端會長向人間被網羅

鶴乘軒

衛懿公好鶴鶴有乘軒者及狄人伐衛授甲者

曰使鶴鶴實有祿位述懷詩曰遇時寧美鶴乘

軒

無恙

風俗通曰按上古之時草居露宿恙噬蟲也食  
人心凡相問勞曰無恙乎俗說以無恙爲無疾  
非也

蝻屬

雜俎卻行蛇屬紆行蜻蜒屬注鳴蝻屬傍鳴發  
星翼鳴蚣蝻股鳴榮原胃鳴

肥遺

傳物志華山有蛇名肥遺見則天下大旱

巴蛇食象

南海志巴蛇食象

垂芒

孝經援神契曰蜂蠆垂芒

蜂舟

語林武王東伐紂夜濟河時雲如畫八百之旅

皆薦瑤而歌有大蜂狀如月鳥飛集王舟因以  
画幡旗翌日而梟紂名其船曰蜂舟鄭人擊趙  
簡子得其蜂旗卽其遺類

蟬不知雪

鹽鐵論以所不覩而不信若蟬不知雪也

復育

蟬未蛻時名復育亦朽木所化也常翮見復育

剖一視之腹中猶實爛木

蝶

白蛺蝶尺蠖蟲所化也非熊以常見鬱棲中壤  
綠裙幅旋化爲蝶

驚蛺蝶

北齊魏伏字伯起昔在京輕薄尤甚人號曰驚  
蛺蝶也

審雨堂

古槐中蟻穴也盧汾常叩樹有一女子衣青衣

出引汾入見廳堂危豁有堂題曰審雨堂云

### 蟻城

墊江縣冉端爲父卜地掘深丈餘遇蟻城方數丈外重雉堞皆具子城譙櫓工若雕刻城內分街徑小垤相次每垤有蟻數十幢幢不絕樓中有二蟻一紫色長寸餘足作金色一有羽細腰稍小白翅有金脉疑是雄者

### 顛當



雜俎顛當窠深如蚓穴網絲其中常仰釋其蓋  
伺蠅螻過輒翻蓋捕之其形似蜘蛛爾雅謂之

玉蛛

他結切又  
地計切

暢鬼谷子謂之蛛母童戲曰顛

當顛當牢守門蟻螭效汝無處奔

威污螻來

來君綽遇威污螻卽大螻也

群蟲聚食

韓子曰三蟲在豕上相與語一蟲適之曰奚說

一蟲曰爭肥磽者一蟲答曰肥豕不度臘相與聚食其瘦者人乃不殺也

### 蚊謎

郭舍人曰客從東方且歌且行不從門入踰我園牆遊戲中庭上人殿堂擊之拍拍死者穰穰格鬪而死主人不傷是何物東方朔曰利喙細身晝匿出昏嗜肉惡煙掌指所捫臣朔愚戇名之曰蚊舍人辭窮不免脫禪

夢蝶

莊周夢爲蝴蝶栩栩然飛故方昭度蝶詩云南  
華本是風流物一個花中夢一場

五色線卷上

終

五色線卷下

投符起石

仙傳拾遺葉法善卜居卯酉山其門近山巨石  
當路每還紆回以避之師投符須臾飛去路乃  
平坦衆共驚異

太極紫微左仙卿

嘗遊括蒼白馬山石室內遇三神人皆衣錦寶  
冠謂師曰我奉太上密旨告子子本云云以受

錄不勤謫於人世速宜立功濟人佐國功滿三  
千當獲舊任以正一三五之法今授於子勤行  
煦化宜勉之

天台苗君

師年十五中毒殆死見青童曰天台苗君飛印  
相揀於是乃蘇

目如秋水

李泌家傳賀知章曰此穉子目如秋水必拜卿

相

賦長歌行

泌年九歲賦長歌曰天覆吾地載吾天地生吾  
有意無不然絕粒昇天衢不然鳴珂遊帝都焉  
能不貴復不去空作昂藏一丈夫平生意氣多  
良畷請君看取百年事業就扁舟泛五湖詩成  
傳寫者莫不稱賞張九齡見而獨戒之曰早得  
美名必有所折宜自韜晦斯盡善也藏器於身

古人所重况童子耶但當爲詩以賞風景詠古  
賢勿自揚之爲妙爾後爲文不復自言嘗以直  
言諷九齡九齡感悟乃呼小友

雲間孤鶴

神異記玄宗天寶十三載重陽日獵於沙苑雲  
間有孤鶴回翔上御弧矢中之鶴帶箭矯翼西  
南而逝益州城西十五里有明月道觀第一院  
有青城山道士徐佐卿一歲率三四至一日忽

不怡曰偶爲飛矢所加今已無恙然此箭非人間所有因留之於壁後年箭主至則宜付之乃記壁去留箭之時則十三載九月九日也上幸蜀暇日命駕行游偶至斯觀入此堂忽觀其箭取與翫之乃御箭也深異之佐卿乃中箭鶴耳

賜朝天玉簡

號天柱峰中嶽先生賜朝天玉簡

偃月子



許碯到處皆石崖屋壁人不及處題云許碯自  
蛾媚山尋偃月子到處都留筆蹤莫不歎其神  
異竟不詳偃月子也

九霞觴

碯嘗醉唸曰閩苑花前是醉鄉踏翻王母九霞  
觴群仙拍手嫌輕薄謫向人間作酒狂自曰我  
天仙也方在崑崙山就宴失儀見謫

駟車繡幄

郭子儀初從軍沙塞間至銀州數里將宿旣夜  
忽見左右皆有赤光仰視空中輶車繡幄中有  
一美女坐牀垂足自天而下俯視子儀儀拜祝  
云今月七日必是織女降臨賜長壽富貴女笑  
曰大富貴亦壽考言訖冉冉昇天猶正視子儀  
良久而隱子儀後立功貴盛威望烜赫大曆初  
鎮河中疾甚三軍憂懼公謂御醫及幕賓等曰  
吾此疾自是未便衰損因話所遇之事衆稱賀

忻悅其後邁尚父年九十餘薨

青童君

與上卷司馬承禎一則  
相同宜刪今姑依原刻

續仙傳一旦告弟子曰吾身居玉霄峯常有真  
靈降焉今爲東海青童君東華君所召須去人  
間俄傾氣絕若蟬蛻已解化矣

日熟子

劔南有果初進名爲日熟子張果葉法善以術  
取每遇午必至羅公遠一日於火中索樹叢使

者欲到焰火巨天無路可過火歇方得度是夜  
方到

玉書金格

公遠謂曰陛下玉書金格已達於三清矣

三田

公遠謂玄宗曰三田未虛六氣未潔請俟十年

與上靈藥

月華之藕

公遠謂中使輔仙玉曰主上列月華之藕有云  
玉京交契之舊

三峰謔

感遇傳公遠以三峰謔八首進焉大旨皆素士  
廣成赤松之訣還嬰沂流之事

天上無愚憊仙人

侯道華好子史手不釋卷嘗曰天上無愚憊仙

人

蒲中多大棗

天下人傳歲中不過一二無核者道華比三年  
輒得啖之蒲中多大棗

玉尺八

狂僧以手巾袈裟於回回寺布施歷房散之唯  
餘一房空榻而已侍者於房內取玉尺八以授  
狂僧又見一胡謂之磨滅王至玄宗大感悅持  
玉尺八吹之磨滅王卽祿山也

蘆菔

王旻好勸人食蘆菔根葉云冬食功多力甚養生之物也

輔唐山

旻請於高密牢山合煉玄宗許之因號山爲輔唐旻居之

蘭蓀

陰德經劉弘敬字元溥得女奴蘭蓀於維揚有

殊色先其女嫁之夜夢青衣秉簡望塵而拜曰  
余蘭蓀之父也感君之恩請於上帝延君壽二  
十五載福及三代相者曰昔韓子陰存趙氏太  
史公以韓氏十世而位王侯者有陰德故也

雨甲子

朝野僉載唐長安二年九月一日太陽蝕盡默  
啜賊至并州至十五夜月蝕盡賊並退俗諺曰  
棗子塞鼻孔懸梅閣却種又云蟬鳴蛩喚禾饑



糜斷又諺曰春雨甲子赤地千里夏雨甲子乘  
船入市秋雨甲子禾頭生耳鵲巢下地其年大  
水

續命經

通異記卽金剛經也一日之內轉千卷但是人  
轉則可

灌錫治目

集異記至中胡曹進飛失中目拔箭而鑱留于

骨堅不可運胡晝寢夢教以灌寒食餽應手清涼如箭拔鏃突出

### 療惡疾方

神仙感遇傳崔言者 職於左班年一旦得疾雙睛昏暗咫尺不辨人物眉髮自落鼻梁推倒肌膚有瘡如癬皆目爲惡疾勢不可捄因爲駱谷子午歸蹇使遇一道流自谷中出不言姓名受以藥方曰皂角刺採一二斤燒之爲灰大黃

九煎九曝杵爲末食上濃煎大黃湯二錢匕調而服之旬日鬢髮再生肌膚光潤疾病頓愈眼明倍於尋常道流傳此方訖却入山去不知所之

### 穿井法

咸陽傳壽州刺史張士平中年以來夫婦皆瞽一旦太白星爲開井一眼平復如初因留此法令轉徠世人以救疾苦用增陰隲其要曰子午

之年五月戌酉十一月卯辰爲吉丑未之年六月戌亥十二月辰巳寅申之年七月亥子正月巳午卯酉之年八月子丑二月午未辰戌之年九月申未三月寅丑巳亥之年十月申酉四月寅卯取其方位年月日時卽爲福地浚井及泉必有良効矣士平再拜受言訖升天而去

多心經

沙門玄奘姓陳偃師人武德初往西城取經行

至蜀賓國道險虎豹不可過遇一老僧口授多  
心經一卷令誦之遂得出於平易道路開通乃  
至佛國取經六百部而歸多心經至今誦之

鬼詩

河東記卜得上峽日秋山風露多江陵一夜雨  
腸斷木蘭詞

仙人城

葛洪搗藥山東去三十里飛流千仞卽是仙人

城名爲青溪鬼谷有秦庭採木之客往往就山  
下人家取火裁詩篇云酒盡君莫沽壺傾我當  
發城市多囂塵空山弄明月

鬼燐詩

會昌錄衰草白露裏亂山明月中多是苦吟罷  
殘焰與君同

象耕鳥耘

遊仙記温州人李庭大曆六年入山斫木烟迷

不知路逢見水際中有人煙雞犬候尋聲度水  
忽到一處約在甌闌之間乃古莽然之墟象耕  
鳥耘人甚知禮既還復往杳不可尋

飛崗

神仙圖墓記葬遇沈崗至二十年絕世無後葬  
遇浮崗無他災厄葬遇飛崗奕世富貴

石中蟻螿

丹陽人採碑於積石之下得自然圖石試如礬

琢乃重疊相也至盡如拳破之有一蟲出於中似蟻螯狀蠕蠕能動人不能熟識因棄之後有人語之曰人欲求富貴莫若得石中金蠶畜之則寶貨自至詢其狀則石中蟻螯也

### 玉馬能嘶

聞奇錄沈傳師爲宣武節度堂前馬嘶掘地深丈餘得一穴洞有玉馬高三寸長五寸嘶則若狀馬聲前有金槽中碎碌砂如菘豆而金色也



天馬斜飛

玄怪錄寶應中汝南岑順者借克宅居夜中聞  
鼙鼓聲忽聽之見甲馬萬騎悉長數寸狀如戰  
鬪兩軍步伍各定師進日云云度三強上將橫  
行擊四方輜車直入無回翔六甲次第不乖行  
於是鼓之勝負相當掘室中乃是古塚盟器金  
象戲馬

鼙瓶隸字

稽神錄周顯德歲連水軍使秦晉崇修城獲一  
瓶黃蘗黑文成隸字云一雙青鳥子飛來五兩  
頭借問船輕重寄信到楊州

逢歡羊口岸

蕭騰有故妾得魅疾騰令乘間聽之乃入妾屏  
風裏作歌曰結愛梓林肆胡桃輕口親逢歡羊  
口岸訝汝不口人

甘少府

劉夢得藥方蜜名

神雞童

賈昌開元時以鬪雞供奉當時天下號爲神雞童

清瀾洗明玉

陳鴻長恨傳貴妃賜浴華池清瀾三尺中洗明玉政出水力役不勝羅綺

瓜花

仙子云天寶六載侍輦驪山七夕夜張錦繒樹  
瓜花陳飲食焚香于庭拜縷針絳線

黃梁未熟

沈旣濟枕中記盧生遇呂翁同止逆旅主人方  
蒸黃梁翁取枕授盧云枕此榮適如願及寤黃  
梁尤未熟

青氈枕

其枕青氈而竅其兩端

可憐宵

感異記沈警過張女郎廟作詩云命嘯無人嘯  
含嬌何處嬌徘徊花上月空度可憐宵

象耳鞭

酉陽雜俎睿宗閣內庫一金色鞭長四尺數節  
有蟲齧處狀如脰龍靶上牙牌題云象耳鞭

謫仙奴

權同體友人雇得僕一日貧困令市衣辦酒肉

會村老丐道里費僕曰此固不足辦當營之乃  
斫桑扎喫成牛肉復汲數瓶水皆旨酒也且曰  
某固異人有少過謫于下賤

金字偈

摩尼珠中有金字偈

刀止水厄

卻敬伯家長白山有人寄一函書言吾江使也  
令吾通問於濟伯果見人引入水中一翁坐殿

踞水晶牀侍衛皆圓眼甲冑臨別贈一刀曰持  
此當無水厄敬伯還至社林中裘果無沾濕

戢波臣役

長鬚國官有匠長戢波臣役島邏皆號皆蝦也

司風長

拜士人爲駙馬

主夜呪神

夜行及寐可却恐怖惡夢呪曰婆珊婆演底

村五嶽

清辰村五嶽七遍謂屈食指藏四指運頭指押  
之名村五嶽

金姑聲

福州郭東康山有人五更入郭遇一人乃自云  
非人要負至郭因云鬼最惡金姑聲破竹將曉  
化爲羊

梨花寒食



沈亞之夢作秦穆公主挽詞云泣葬一枝紅生  
同死不同金鈿墜芳艸香繡滿春風舊日聞簫  
處高樓月正中梨花寒食夜深閉翠微宮

朱愁粉瘦

異夢錄朱愁粉瘦兮不生羅綺

雲書鳳字牌

西施挽詞西望吳王闕雲書鳳字牌連江珠寶  
帳擇土葬金釵滿地紅心草三層碧玉階春風

無處所悽恨不勝懷

響屧廊

蘇州圖經吳王以梗梓板籍其地西子行則有聲因以名之

碧桃如椀

集仙錄金母降謝自然將桃一枝懸臂上有三十顆碧色大如椀云此猶是小者

神仙壁

天上有白玉堂壁上高列真仙之名如人間之  
壁記有朱筆注下云降世爲帝王或爲宰輔者  
消暑灣

洞庭記明月灣消暑灣並在洞庭山昔吳王翫  
月避暑之地也

龍竹

羅浮第三峰有大竹徑七尺圍節長丈二謂之  
龍常有鸞鳳棲宿東有溪曰羅陽暴漲有竹葉

流出大如芭蕉

木客

南康記山間有木客形骸皆人也但鳥爪耳巢於高樹伐樹必害人一名山肖

涯碧夢紅

葛洪關尹子後序葛稚川曰鄭君屬洪以關尹子洪每味之清涯碧慘夢紅

金粟如來

淨名經義鈔梵語維摩詰此云淨名般提之子  
母名離垢妻名金機男名善思女名月上過去  
成佛號金粟如來

粉洞

皮日休過雲詩粉洞三千里

薛能詩

中山外集薛能詩西掖今來替左司又云若共  
吳王鬪百艸不知誰是次西施

水樂

元子於山中所耽愛者有水樂是南唐之懸水  
淙淙然聞之多美於耳左便元子

不了麴藥

世說鴻臚卿孔群好飲酒書親舊今年由得七  
百斛秋來不了麴藥事

酥煎牡丹

洛陽貴重錄蜀時兵部戴卿李昊蘊藉每將花

數枝遺親反以金鳳燧成韻詩以致之得者莫  
不竇愛又以興平酥同贈且曰俟花彫謝以酥  
煎食之無棄穠華也其風流貴重如此

龜六

雜阿含經云有龜被野千所包藏六而不出野  
千怒而捨去佛告諸比丘當如龜藏六自藏六  
根魔不得便

女樹

海中有銀山生樹名女樹天明時皆生嬰兒日出能行至食時皆成少年日中盛壯年日晚老年日沒死日出復然

今夕是何年

周秦行紀牛僧孺詩共道人間惆悵事不知今夕是何年

瓦棺筍筆

大業拾遺後序上元縣瓦棺寺閣南隅有雙籠



閉之忘記歲月會昌中詔拆浮圖因得筍筆百餘頭藏書秩中有生白藤紙數幅題爲南郡烟花錄僧志徹得之及焚釋氏群經僧人惜其香軸爭取紙尾拆去視其軸皆有魯郡顏公名題云手寫是錄卽前之筍筆可舉而知也

濟勝具

世說許椽好遊山水而體便登涉時人云許非徒有濟勝實有濟勝具

木天

金樓子廬陵威王之內也千門相似萬戶如一  
齊裏施木天以蔽光景春花秋月之時暗如徹  
燭內人有不識晦明者

魚千里

以盆爲沼以石爲島魚環游之不知幾千萬里  
而不窮也夫何故水無源無聖人之本無首本  
尾所以應物曲當

夢吞海棠花

禱杙蜀潘 有嬖妾解愁姓趙氏其母夢蒞而  
生頗有國色善爲文

大白浮君

魏文侯微大夫飲使公乘仁爲觴政曰飲若不  
盡浮之大白

九萬牋與謝安

語林王右軍爲會稽謝公乞牋庫中有九萬張

悉與之桓宣武云逸少不節

折綿

阮籍詩陽和微弱陰氣竭海凍不流綿絮折呼  
吸不通寒冽冽又唐肩吾詩勁氣方凝海清威

正折綿

芭蕉聞雷而長

涅槃經芭蕉故無心何以  
聞雷而長如白

日摘宜苑石榴宜得石膏糞造化力也

醉龍

語林蔡邕飲酒乃至一石常醉在路上臥人名曰醉龍何在此醉臥扶而歸也

杜邠公食羊

中朝故事邠公杜琮福壽少倫匹殮一日之費皆至萬錢京西李客見人牧羊遍滿山谷不知幾千萬口詰之自何而來曰自鄜夏供相公食耳轉首恍然並無所覩乃神靈所授也

莫愁

智化古今樂錄莫愁樂者本石城樂妓而有此  
謠石城西有女子名莫愁善謠謔且在城樂中  
有妾莫愁聲因名此歌也

來禽

尚書故實王內使史書帖中有與蜀郡守求櫻  
桃來禽言味甘來衆禽也俗作林檎

拜隱侯

河南志蘆元明緱山記漢王奕者隱於此山景  
帝每徵不屈遂就山而封侯因以爲名唐宋之  
問侯山詩王奕拜隱侯

贈醉侯

松陵集皮日休夏日詩他年謁帝言何事請贈  
劉伶作醉侯

綠檀槍

本集小杜郡齋獨酌詩  
• 睡壓綠檀槍

留客雨

利山有神人常逍遙於中嶽與左元牧共遊子  
訓所睡欲起聽雨一日三雨今喚五月三時雨  
爲留客雨陸機要覽

錢鬼

孫樵文復有和長與之日鉅萬藏家貫朽反磨  
鱗差縮陣腥澀死而有知是謂錢鬼此鬼憑人  
氣豪意適反權敗祿買曲成直



一字行

劉夢得詩見本集洛中送韓中丞之湖州口號  
云當年意氣結群英幾度朝迴一字行海北天  
南零落定兩人相對洛陽城

斗酒隻雞

三國志注曹操記故太尉喬玄墓曰承從定誓  
約之言殂逝之後路有經由不以斗酒隻雞過  
相話酌車過三步腸痛勿怪雖臨時獻笑之言

非至親之敦好其肯爲此乎

北牕三友

長慶集白樂天以詩酒琴爲三友曰昨日北牕  
下自問何所爲所親惟三友三友者爲誰琴罷  
輒飲酒酒罷輒吟詩三友遞相引循環無已時  
腹搖鼻息

曉鼓一發駟車馳奔予方高枕偃然就寢腹搖  
鼻息夢到鄉園槐花撲庭鳴蜩噪晴

黍低麥昂

談藪王元景大醉楊遵彥曰何大低昂元景曰  
黍熟頭低麥熟頭昂黍麥俱有所以低昂

鍾乳金釵

本集白樂天酬牛思黯戲贈云鍾乳三千兩金  
釵十二行注云思黯自誇服鍾乳三千兩甚得  
力而歌舞之妓頗多

湯餅客

劉孟得送張興童子赴舉詩云爾生始懸弧我  
作坐上賓舉筋食湯餅祝詞天麒麟

支郎

魏有三高僧支謙支諒支識惟謙爲人細長黑  
瘦眼多白而睛黃復多智時賢諺云支郎眼中

黃

中黃出本傳

智囊

形軀雖小是智囊

同上

醒酒石

河南志河南長春殿南有婆羅亭貯青石處世傳李德裕醒酒石以水沃之有自然之秋今謂之婆羅石蓋以樹石云

赤髭

續僧傳後魏佛唵耶舍記曰覺明爲人赤髭善解毗婆沙時人號曰赤髭婆舍旣爲羅什之師亦稱大毗婆沙

楊雄鐵研

本傳洪崖先生欲歸河內舍人劉守璋贈先生  
楊雄鐵研并四皓鹿角枕

梨花春

長慶集杭州其俗釀酒趁梨花時熟號梨花春  
故白公杭州春望詩云紅袖織綾誇柿帶青旗  
沽酒趁梨花

大飲爲上頓

宋明奇文志王忱嗜酒或連日不醒號上頓時  
人以大飲爲上頓起於忱也

織錦遲

啓顏錄盧思道嘗與庾知禮作詩已成而思道  
未就知禮白思道曰自許編苕疾嫌他織錦遲  
風月主人

禱杙歐陽彬爲嘉州刺史喜曰青山綠水中爲  
二千石作詩飲酒爲風月主人豈不佳哉

竹人致雨

馬均大巧能削竹作人語時天下大旱人皆將  
酒與此竹人語天下須臾雨也

銅駝

陸機洛陽記漢有銅駝在宮之南街四舍道頭  
其路東西相對高九尺漢時名爲銅駝街

金馬

阿南志俗語曰金馬門外聚衆賢銅駝街上集



衆賓

歲守心

孝經

歲守心則年豐注云歲爲重華故

年豐也

拜三公賜箭

魏百官志三公拜日賜鶡首鶡尾鶡箭各十二

枚

鶡許  
交反

竹友

元次山集古之君子無友則友松竹居無友則

友雲山

漢人煮箬

陸雲笑林漢人適吳人設筍問所煮何物曰竹也歸煮其箬不熟謂其妻曰吳人欺我如此

鬻筍充觴酌

南府州記辛居士名宣仲家貧春月鬻筍充觴酌截竹爲鬻用充盛置人問其故宣仲曰我惟

愛竹好酒欲合二物常相並耳

太湖石蛙蚰

盧氏雜記有達僚差軍將於浙西買太湖石軍將申狀云前件石蛙蚰不堪買

天上多學官

抱朴子彭祖云天上多學者新仙者位卑奉勾非一也

蓬池贈

一品集李德裕述夢詩曰荷淨蓬池膾冰寒郢  
水膠凡學士初上賜食皆悉是蓬池魚膾夏至  
須冰及酒以酒味濃和冰而飲禁中有郢酒坊

### 甜榴

伽藍記白馬寺奈重七斤蒲萄實大於棗帝至  
熟時常取之或賜宮人宮人持達親戚以爲奇  
異者不敢輒食乃歷數家又有大榴京師曰白  
馬甜榴一名直牛

桂馨一山

翰林雜事鈔武帝謂東方朔孔顏之道德何勝  
方朔曰顏淵如桂馨一山孔子如春風至則萬  
物生

鬼笑貧

劉伯龍家貧將營十一之方忽見一鬼在傍撫  
掌大笑伯龍嘆曰貧窮固有命遂止

雲錦溪

河南志寶林禪院有雲錦二溪溪雙荷花香色  
異如常者

錦雨

陸機要覽夏澍名連陰雨名錦雨

翠雨蓋

玉臺新詠楚鄂君子修者乘青翰之舟張翠羽  
之蓋槁拽越人悅越人擢楫而越歌以感鄂君  
歡然舉繡被而听之越人歌序

古栢封大夫

河南志嵩山天封觀有古栢三株武后封五品  
大夫蔭百餘步俗云大小將軍

書聖

皇象胡照

樅酒

皮襲美寄陸魯望云明朝有物充君信樅酒三  
瓶寄夜航自注云樅酒出沈約集廣韻音式徑

反木名山海經汁甘爲酒

弘遊典墳

歲時記要劉孝綽與弟書云方弘遊典墳寤歌  
林澗覽典袞於千載觀榮落於四時

袁家渴

見柳子厚集楚越之間方言謂水袁家渴反流  
者爲渴云音若衣褐之褐

寒溪



武昌記樊山東有小溪夏時溪裏常有寒氣故謂之寒溪

歡樂井

壽陽記明義井三伏日炎熾赤曦男女往來其氣短急望見義井則喜不可言未至而憂既至而樂號歡樂井

赤心記事

古今注牛亨問彤管何也答曰彤赤染史官載

事用赤管言可赤心記事

雉尾扇

商高宗有雉雒之徽章服多用翟故有雉尾扇

同上

天子之馬走千里

河伯與天子披圖視典用觀天子之馬走千里  
食猛獸天子之狗走百里執虎豹

温谷

天子西濟于河爰有溫谷河伯民之所居

水泉溫和

春山之澤清水中泉溫和無風

食牛之氣

尸子曰虎豹之駒雖未成文已有食牛之氣

槐兄橘弟

淮南子曰槐榆合與橘柚爲兄弟有苗與三危  
同爲一家

桐葉知閏

遁甲梧桐不生則九州異主爲桐以知日月正  
閏生十二葉遍有六葉從下數一葉爲一月閏  
則十三葉小者卽知閏何月也不生則九州異  
君

槐市

三輔黃圖曰明堂辟雍爲博士合三千以爲會  
市但列槐樹以數百株諸生朔望會此市各持

其郡所出物及經書相與買賣雍容揖遜議論

槐下 又見淮南子

梅梁生枝

夏禹廟中有梅梁忽一春生枝葉

梅下種藥

桂陽先賢傳蘇耽後園梅下種藥可治百病

耕白沙

汜勝之書曰杏花如何可耕白沙

橘裂人牙

吳曆吳王饋魏文帝大橘帝詔群臣曰萬有橘  
作正裂人牙時有甜

給客橙

魏王花木志蜀土有給客橙似橘而非若柚而  
香亦名盧橘

水畜

陶朱公養魚經曰夫治生之法有五水畜第一

水畜魚也

魚倉

青田溪冬天水熱如湯衆魚歸之名曰魚倉

得魚不如啖茹

聖諺曰買魚得鱖不如啖茹鱖魚之不美者也

馬膝如團麴

伯樂相馬經曰相馬膝如團麴千里三軍逐但

知所獲不知所宿

馬銅器精

地境圖銅器之精見爲馬

周留

鬱林異物志周留其實水牛云周留

屏風艸

博物志曰太原以牝生屏風艸

竹中高士

永嘉郡記曰臬城張鷹隱居願志家有苦竹數



十頃在竹中爲屋堂居其中王右軍聞而造之  
廡避之竹中不與相見一郡號爲竹中高士

名子青箱

宣室志沈約指其子謂陸喬曰此吾愛子也少  
聰慧好讀書吾甚憐之因以青箱名之欲以傳  
吾之學也

竹名魚腸

梁簡文修行賦玉潤桃枝之麗魚腸金母之名

玉笙

風俗直武帝之時西王母來獻白玉琯漢章帝  
時零陵人文子景於冷道武祠下得笙白玉琯  
知古以玉爲琯後乃易之竹耳

花姑

集官一錄女道士董靈微年踰八十貌若嬰孺  
號爲花姑

人生如寄

高僧傳支遁字道林姓門年二十五出家每至  
講肆善標宗會而章句或有所遺時爲守文者  
所陋謝安聞而喜之曰此乃古人之相馬也畧  
去玄黃而取其駿也遁住支山寺晚欲入剡謝  
安爲吳興與書曰思君日積計辰傾遲知欲還  
剡自治甚以悵然人生如寄少頃風流得意之  
事治郡盡終日戚今觸事惆悵惟遲君來以晤  
言消之一日當千載耳

染花

韓愈外生幼而落崖雲水不歸元和中忽歸衣  
服弊甚愈舍于書院暇日問其所長曰能染花  
紅者可碧或一朵具五色遂於後堂前染白牡  
丹一叢云必作金稜碧色內有金含稜紅間暈  
自斲其根買藥塗之無何潛去明年花開如其  
說每一萼花中稍書云雲橫秦嶺家何在雪擁  
藍關馬不前是歲上迎佛骨愈直諫忤旨貶爲

潮州刺史至商山泥滑雪深忽見是生拜勞問  
曰師在此山不得遠去問其師卽洪厓先生東  
園公方使柔金玉作九華丹候火精微難於  
暫捨揮淚別去入林如飛

梨花乾

杭州圖經杭州物產食貨有梨花乾酒之上者  
半段槍

潭賓錄哥舒翰捍吐蕃賊衆三朝從山相續下

舒持折槍半段當前擊之無不披靡

章艸

漢黃門令史游所作衛恒李誕並云漢初而有  
草法不知其誰蕭子良云章艸漢齊相杜操始  
變藁法非也王愔云漢元帝時史游作急就章  
解散隸體鹿書之

忽忽不暇艸

張芝善艸書精妙絕倫家之衣帛先書後練臨

池學書池水盡黑每書云忽忽不暇艸時人謂之艸聖

羅趙

羅鄴趙恭與伯英同時見稱西州而矜誇自與衆頗惑之伯英與朱寬書自敘曰上比崔杜不

足下方羅趙有餘

同上

沉着痛快

吳人皇象能草世稱沉着痛快

鵲尾爐

松陵倡和皮日休寄華陽閨竹詩云高眼可爲  
要鵲尾金爐一世焚注云陶貞白有金鵲尾香  
爐又珠林云吳興人費崇先少信佛法每聽經  
常以鵲尾爐置膝前

章貢臺

南處記贛縣東南山有臺方廣數丈有自然霞  
如屋形風雨之後景氣明淨頗聞山上有鼓吹



聲卽山魃木客亦爲其舞唱

玉嬰兒

錄異記天祐年人發曹王臯墓有銀盆貯水中  
坐玉嬰兒高三尺水無減耗泓師云墓中貯玉  
草木溫潤貯金草木焦枯

急洒掃

國史纂要唐率炳令張文成梟晨鳴於庭樹其  
妻以爲不祥連唾之成曰吾當改官言未畢賀

客已在門矣

辨水

中朝故事李德裕居廟廊日有奉使京口李曰  
金山下楊子江中冷水與取一壺其人忘之至  
石城方憶乃汲一餅歸獻之李飲曰此水頗似  
建業石城下水其人謝過不敢隱  
不飲茶

唐新記唐右補闕綦母旻性不飲茶著代茶飲

序其略曰釋滯消壅一日之利暫佳瘠氣耗精  
終身之害斯大獲益則歸功茶力貽患則不謂  
茶災

射木人

獨異志後漢時苗嘗爲壽春令謁治中蔣濟濟  
不見納醉後苗歸而刻木爲書曰酒徒蔣濟以  
弓矢射之蔣聞之不能制

梯摘茄

南中茄子宿根有三二年枝幹爲樹熟則梯摘之樹老子稀卽伐去

### 李嶠帳

定命錄袁天綱相李嶠睡息在耳當貴壽而不富則天朝拜相帝幸宅見臥青絁帳歎曰爲國相如是乖大國之體賜御用繡羅帳嶠寢其中達曉不安怪而生疾遂奏曰臣少相人云不富華故寢其安席欲且任用舊者

松雥艾納

松取枝燒其上下承取汁名松雥艾納樹綠衣  
名艾納合味衆香燒之其煙回聚清白可愛

吳沈詩論

談藪梁吳筠爲詩曰秋風瀧白水雁足印黃沙  
沈約語之曰語太險曰亦見山櫻我欲然約曰  
我始欲燃君已印訖

張丈殷兄

長慶集白樂天歲日張侍御二十丈又殷判官  
二十三兄詩云獨有誇張少年處笑呼張丈與  
殷兄

獼猴騎土牛

世說鍾繇調周泰曰君釋褐登宰輔三十六日  
擁麾蓋乞兒乘小車一何駛乎泰曰君名公之  
子少有文采固守吏職獼猴騎土牛又何遲也

裙腰路

白樂天杭州春望云誰開湖寺西南路草綠裙  
腰一道斜注云孤山寺路在湖洲中草綠時望  
如裙腰

西笑

桓譚新論人問長安樂則出門西向而笑問肉  
味美則過屠門而大嚼

瀟灑侯

陸龜蒙詩叢竹常封瀟灑侯

梁高重謝朓詩

談藪常曰不讀謝詩三日覺口臭

羊群

朝野僉載張文成曰選人冗冗甚於羊群吏部  
喧喧多於蟻聚

叅酌院

國史補長慶初穆宗以刑法爲重每大獄有司  
斷罪又令給事中中書舍人叅酌出入之號曰



參酌院

病坊

聞奇錄唐初秘書省望雖清雅而實非要處俗以監爲宰相病坊少監爲給舍病坊丞及著作爲尚書郎病坊秘書及佐郎爲監察病坊言侍從職不任繁劇者當改入此省

送羊脚狀

據言天復元年杜德祥榜放曹松等及第松學

賈司倉詩此外無它能時號松啓事爲送羊脚  
狀

朱書題名

杏園宴後於慈恩塔下題名同年人推一善書  
人記之它時有將相則朱書之

騎火碁

碁名

茶詩龍安有騎火碁最上不在火前不在火後  
故也清明改火故曰騎火碁

竹子

物類相感志南荒生箒竹長百丈圍三丈五尺  
可以爲大船其味美張華注子筍煮而食之可  
以已創厲

如在鏡中遊

輿地志山陰南湖縈帶郊郭白水翠巖互相映  
發若鏡画故王逸少云山陰路上行如在鏡中  
遊

紗籠中人

張建封鎮揚州李藩爲巡官有僧相張公不爲  
宰相甚快令見李巡官僧降階曰是紗籠中人  
張因問紗籠曰宰相冥司潛以紗籠護之恐爲  
異物所擾

北蟹

玄中記天下之大物有北海蟹焉舉一螯加于  
山身故在水中矣

玉女牕

嵩山記玉女三臺山昔漢武帝東巡過此山見  
學仙女子帝因往觀之遂以名山山與嵩高連  
亘又圖經云有玉牕漢武帝於牕中見玉女  
醉如泥

稗官小說南海有蟲無骨名曰泥在水中則活  
失水則醉如一堆泥然

不去鰲魚額

三輔決錄鰲魚肥炙甚美諺云寧去累世宅不  
去鰲魚額

### 花師

龍城錄洛人宋單父善吟詩亦能種藝術凡牡  
丹變易千種紅白間色上皇召至驪山植花萬  
本色樣不同賜金千餘兩內人呼之爲花師亦  
幻世之絕藝也

### 田父

冷香錄蝦蟇之大者名田父

花妾

杜牧之晚晴賦雜花如妾如婢

郎君東閣

李義山九日謁令狐趙公不見以一篇紀于屏  
風云郎君漸貴施行馬東閣無因更重窺

乞漿得酒

朝野僉載太歲在午人馬食土歲在辰巳貨妻

賣子歲在申酉乞漿得酒

坐穿木榻

高士傳管寧嘗越海及歸嘗坐一木榻積五十餘年未嘗箕股其榻上當膝處皆穿

草鍾乳

韭多補洩子甚溫俗間呼草鍾乳真誥云務光服韭煎以入清冷之淵也

飛卿對



北夢瑣言李義山謂溫飛卿曰近對句云遠比  
趙公三十六年宰輔未有對飛卿曰何不道近  
同郭令二十四考中書宣宗嘗賦詩上句有金  
步搖未能對庭筠乃以玉條脫對云藥名有白  
頭翁對以蒼耳子他皆類此

尊前見在身

雲溪有記牛僧孺寄劉禹錫詩休論世上浮沉  
事且鬪尊前見在身

酒兵

吳張賦酒猶兵也兵可千日不用不可一日不  
練酒可千日不飲不可一飲不醉

村落如雞飛

阿含經云人民村邑相近如雞飛

玻璃日

起世經曰宮殿正方如宅一面兩分皆天金成  
一面一分天玻璃成

琉璃

月宮殿以天銀天青青相間

月中黑相

瑜珈論大海中有魚鱉等影現於月輪故其內  
有黑相現

黑風吹海

長水校尉關子陽以謂天去人尚遠而黑風吹  
海

天四旁近

僧祇律長水校尉關子陽以謂天去人尚遠而  
天四旁近二十四念名一瞬

白月

玄奘西城傳月盈至滿謂之白分月虧至晦謂  
之黑分

掛猿下飲

謝靈運遊名山去觀掛猿下飲百臂相連

赤弁丈人

古今注蜻蜒

婢妾魚

鱗婢妾魚各岫峭好貌形

今茲來茲

呂氏春秋今茲美菜來茲美麥

鯨海鶴天

杜牧之贈趙嘏詩少陵鯨海動翰苑鶴天寒

不夜城

解道虎齊記曰不夜城蓋古有日夜出於境故  
萊子立此城以不夜爲名

鯉魚風

涓子齊人餌木枿食其精至三百年後釣河澤  
得鯉魚風中有符隱于巖能風雨

啗香

杜陽編元載姬薛瑤英幼而以香啗之肌香

風女

摛遺女仙詩雨絲風女織

涼州等四名

傳載天寶中樂多以邊地爲名若涼州甘州伊州之類是焉曲變繁聲入破後其地盡吐蕃所破其兆如此

右此書乃浩然翁邵文伯手鈔于鶴城所寓

之怡雲軒後於野亭先生處得此本傳於伊


氏奉遠樓讀書處借錄之念念不忘遂梓之  
其樂於筆研好書成癖也如此後之似續者  
保之重之庶無負先生之志

攷中興館閣書目稱不知作者撫百家雜事  
記之為類門舊跋亦不著年月姓氏因披閱  
所載多密藏異蹟雖不逮容三五筆亦迥出  
雲仙諸冊矣亟訂梓之凡我同好勿與碧雲  
共置幸甚己巳竹醉日湖南毛晉湯書于白



龍潭舟次

五色線卷下 終



古 音 駢 字

楊 慎 撰

古音駢字

本館據函海本影  
印初編各叢書僅  
有此本

昌黎有言作文必先識字予謂識字之  
難甚於文也蝌蚪變為篆隸篆隸變為  
俗書愈趨愈簡取便臨文至有不識古字  
為何物者法以古今通用之字稍自博雅  
者出後人目不經見遂乃色然而駭少所  
見必多所怪也先生有慨於此博採羣書  
旁及鐘鼎銘識於其字之相通而互用者  
作為古音駢字四卷以補說文玉篇之闕推  
類求之有功後學不淺昔先生補注山海  
經於雒山條下注云雒古字後人改刻作鶴

此等古字宜存之甚矣今人之妄也駢字之  
作殆即所以存之者乎董山李調元序

古音駢字序畢

古音駢字卷一

成都 楊慎撰 綿州 李調元校定

一東

○颯風

颯風文選

○鷓風

晨風鳥名說文

○端蒙

歲陽名史旃蒙

同上爾雅

○赧虹

虹霞赧重

同上天文志

○鬱隆

蘊隆後漢

○封隆

豐隆雲師也水

經

○空同

崆峒爾雅

○壘洞

崆峒黃香九宮賦注壘洞壘能令山谷與雲壘洞壘塞

○

莒莒

莒莒說文

○鞠莒

同上左傳

○銅虹

博古圖有王氏銅虹燭錠又音缸

○逢

門逢

蓬蠡門同上荀子

○子宏

子弓子弓史作宏

○圈公

國公東園

公也四皓

○大鳳

大風通史繳於青邱

○雲瞢

雲夢周禮

○幽通

固集

○控摠

控摠劉公幹集

○頊濛

鴻濛王逸楚辭

二冬

○燭龍

燭龍文選

○蚩龍

蛟龍史龜笑傳

○神農

神農崔希裕略古

○神由

神農董迫錢譜

○團鍾

黃鍾周禮函鍾

○盧維

盧維兗州之浸盧

音雷

○粵峯

莽蜂釋文引詩

○躡踵

龍鍾老貌

○征公

征公言遑遑

三江

○曲紅

曲江南經曲江縣昔

○韓江

韓江刊溝今

○旗旛

旗幢韓非子

水經灤水

本傳注刊溝今

○旗旛

旗幢韓非子

○盭江

烏江王篇

四支

○冒眚

晡時字樣

○徒維

屠維歲名史記

○日施

日移又音斜

○

處義

伏儀

處戲

同上

○罟罾

罟罾文

按籀文

息字則三代已有此制矣浮思同上周禮注宰思同上釋名覆思同上大言賦宋王

○會絲史記○淋灑文選○須搖郊祀志○林離

淋瀝○三岫元宗始改作危○咸龍帝樂名○唐

波塘○跋○跋鴉○躡○躡○躡○躡○躡○躡○躡

規子規○秭雋同上○子雋同上○秭翹同上○葛藟同上○姊

鳧茨也符皆同上○離支漢書○伊帆伊祈古

伊几同上○先施西施文○赤麋赤眉王○冰夷馮夷

馮遲同上○無夷同上○須麋鬚眉荀子非相篇

○槃夷夷之事易垂拱之性○般夷同上○貌獬

周官○非彫非彫六胥紕鮮甲部落帶瑞獸名也犀

注○非彫非彫六胥紕鮮甲部落帶瑞獸名也犀



比同上師比戰國私糶淮南翺翺亦讀作犀比淮南

鷄取其皮為革鉤所謂帶瑞獸也史記侯幸傳鷄鷄貝帶則中國亦服之不獨胡人

魏元不碑○西遲栖遲嚴徕徕同上甘○旂施旂倚移

上林賦倚移從風猗萎江賦即猗狔高堂賦○柴池差池上

○琴麗西都○椽差參差釋文○瀟漪漣漪爾○嗟嗟谷

資太元○凌俛凌遲○被麗披○葳心葳蕤管子秋

子祀于太心葳同蕤○葳莖同上從蕤○華離乖離○織離淺驪

栗色馬也○醇醕淳濟禮○烟支胭脂習○桐脂同上王

赦同上○耘耜芸治除○椽蠹啄椽同蠹虛宜切曹大

作檝又作啄檝上同啄蟻上○蠹蠹燒酪也漢書○中蟻義並同

醢者卽古人登巢啄蠶之遺口人之燻蠶亦猶是也○斗獻料希王莽傳○宋帶師  
○遁甲開山圖○新雉辛夷四腴四支荀子流夷亦辛夷上林賦○鍾葵鍾

五微

○褻衣詩綱衣說文縗衣說文穎衣儀禮士昏禮景衣儀禮婦乘

以几姆加景乃驅○詩詰曰今詳詩之綱褻記○江之綱禮之類景音義並同皆嫁時在途之衣也○江

妻江死文○歔歔唏噓○優侏依稀鬻鬻同上○猗違孔光

依違郊祀歌伊違漢書○皆不相乖離貌○六駢六飛○史

六魚

○庸渠鳥名水鷄也今作鷓鴣者非○扶渠芙蕖○越越次且

無慮

無間即醫無間山也九域志

○隆慮

林間。凡地名如取慮在臨淮且慮在遼西呂

在東海

○望諸

孟諸史

○盟豬

孟諸古文尚書

○搏疋

扶蘇木名徐邈

引詩山有搏疋

○京魚

鯨魚揚雄傳

○爰居

鷓鴣左傳

○卽且

莊子且

騷除

掃除李斯傳

○弓間

穹間。史記衛青傳注水名天官書注宋均云獸名鄒誕生云

以種為廬穹然北齊斛律光歌天似穹廬籠罩四野是也

穹廬

同上

### 七虞

○西虞

西吳管子

○賁隅

番禺。山海經桂林八樹作賁隅

○倉吾

蒼梧及

豕周書

○荆茶

荆舒。史記引詩荆茶是微

○楪榆

葉榆同

○頽

頭篤籬李夫人碑

○龍龜

蜘蛛說文

○詹諸

蟾蜍史記

○烏虺

於菟虎也說文

烏擇

前後班彪

駟吾

騶虞山海經

駟牙

賈子

○蘼蕪

蘼蕪山海經

○苾

胡葉胡本草 ○香菜香蒿本草 ○彫胡彫菰西京雜記 彫菰同文 安胡

同則 ○苦蕒瓜蒌說文 菰同韻 ○流遡漢書注 頽困

字林 ○宗盧尊盧路史 ○丹絃丹朱說文 ○倚區崎區同文

岐嶇同上 ○鳴嘑夫躬傳 ○嗚呼書於戲學於呼 記

烏虜 烏嘑漢書 烏呼小爾雅 ○吼杏字苑 岳啖同上 ○

踣踣作踣又 踣踣同上 遲佇同上 囁嚅含糊

○涅隅澄濡管子 ○鼎鹵鼎鑪道經 ○榼櫨集韻 鹿盧注禮

集韻 ○琨珞昆吾河圖云流州多積石其名曰昆

八齊

○鵠鵠鵠鵠文選 ○梭鷄莎雞爾雅翼 ○昆鷄史記 鷄鷄

同上 ○成鸛說文 ○頗黎玻璃字林 ○金鑄金柅古 ○苾

題莎題 ○祝犁著雍太歲在 ○五紫五嵩曲禮立視

紫車輪一 ○赫蹏也漢書 ○魍魎提携

九佳

○豆蕪豆 ○壘座煙煤煤音 ○闡瘧闡馬 ○商顏

商崖 ○枋箎枋簿岑 ○無佗無駭人名左氏作 ○端

浼端倪莊子 浼水滸也

十灰

○三能三台 ○膺玠嬰孩 ○虺虺虺虺 ○癩頰虺虺

畏佳畏堆 ○崔墮推頰 ○嶧隗隗 ○離確離

李冰所鑿 **犂麤** 同上周 **義臺** 儀臺莊子儀臺 **濞臺**

漸臺 **三** **叩來** 史記 **玳瑁** 有玳瑁馬鞍 **徘徊**

二字始於漢人高后紀徘徊往來思元賦馬倚翰而

徘徊息夫躬辭鸞徘徊今注徘徊不得其所也茂陵

書屋皆徘徊重屬行之移晷不能偏是也徐鉉 **思**

十一真

**秧板** 仰塵居柁 **盟津** 孟津 **重韜** 重苗韓 **洽**

倫 **遁巡** 賈子 **斑璘** 何晏景福殿賦光 **綸**

勸志青紫之璘斑璘即欄也欄字俗書到 **任**

光爛爛注亦作平音斑 **嶙峋** 山厓重深貌張平子

殿基之形勢也鱗胸無涯也  
○儼振杜篤論都賦虜儼

言振養馬人也以字書無儼字遂欲改儼為粟牘  
謬矣原夫字書之作乃檢括經史而成書非先有字

書而後有經史也字書或掛萬漏一遂欲改經史是  
橫衾而欲徙牀濁流而欲涸源也可乎如光武紀繡

駟字注亦以字書無此字乃改駟為禡後見酉陽雜  
俎有駟字蓋毛布半臂也儼或是儼字按國語注繫

馬曰維繫牛曰婁古人用字或加人作儼又訛作儼  
爾虜儼與下句驅驢騾是一類可證何至粟牘之

無稽乎  
○焯人庖人呂覽  
○笄筠孚也如女膚筠如竹膚

○廩辛又作馮辛殷帝號史記  
○沔淪瀟淪江賦

十二文

○壹壹細縕說烟焜同上經縕同上抱  
○樊蘊氛蘊遠廬山

記  
○蔡蓋同上江  
○水斲水芹  
○汾沄紛  
○元黥元纁周禮

注 ○帝芬又作帝槐 夏本紀 ○棘矜戟矜音 勤史記

### 十三元

○戶孫鳥孫國名 呂氏春秋 ○翮幅翮翻子 虛賦 ○九京九原 禮記 ○五

阮五原漢書注 ○初與初坤歸 藏易 ○臙脞晏温 史記 ○賁渾陸渾 山名

山海經 ○古陸字作畜賁渾當是 ○土豚土墩 晉書 ○河

狔河豚 ○蝮蟻狔猿 晉子 ○微言微言古 文尚書 繚垣云

### 十四寒

○涖歎歲陽名 涖漢涖激 上同 芮漢上同 史記 ○電渾灣 灘 ○餘汗

餘 ○鳥亘鳥桓 漢書 ○角觶角端藝 文類聚 ○駮韓蕃馬 名 駮鞫上

○野干野豕胡地野 犬也 內典 夜干射干草名 易通卦驗 ○瓊瑁瓊玕 說文 ○



顛官

譚官元結集諧臣顛官

○女鳩

女鳩女方殷三臣名今作鳩非

○畔桓

盤桓

漢張表碑引易畔桓居貞

○洵桓

盤桓管子○蕪欄

蕪欄說文○蕪與蕪字不同一從魚

一從角從大也

○類

擊端○通典引白澤圖師子似類而大蟲正黃有類形形蓋影之省類

同○奸蘭

干蘭○史記禁私出物也

十五刪

○綿蠻

詩緡蠻大

○龕山

塗山○山海經

○衝關

潼關通典本名衝關

言河流所衝後改潼關

○斑欄

編欄高士傳

荆蘭

老萊子斑欄斑衣又作荆蘭

同○幽敎

同上集韻

○班蘭

吳童謠黃金車班蘭耳

班蘭文飾貌

同上奇

○躡躡

盤躡

○華鬢

花鬢

同上省南夷婦首飾也唐詩花鬢

撒龍蛇動曲名有菩薩鬢今誤作蠻

花鬢

同上復古編

古音駢字卷一



古音駢字卷二

成都 楊慎撰 綿州 李調元校定

一先

○顥天昊天漢碑○轅田國語爰田左傳趨田說文轅爰皆假借字當作趨

○蚡淪漢泉石○輪邊楚辭遠望兮裕眠陸機詩林簿杳阡○芳苓芳蓮○緜輿成難字

輪扁古○裕眠眠賦清麗千眠注光色盛貌呂延

濟日阡眠原野之色按說文裕山裕也則阡

貌李白賦彩翠兮芋眠裕眠芋注芋芋茂盛之

別作取眠字皆從目韋莊詩可憐芳草更芋綿干

眠芋絲肝眠選文裕綿同上說○計然人名計研同上計

倪同上司馬禎曰倪之與研當是一人○單闕歲陽

聲相近而誤耳見史記及吳越春秋

音蟬焉又蟬焉同蟬媽鳳麟碑 亶安同安音焉 ○

呼衍呼延姓 ○馬棧張方傳 ○寒蛭俗通 ○慟焉

怒焉韓詩 慟焉如 ○細研南注 ○西零先零音

檣又慟如朝饑 ○宛拳鬱拳 ○老子指歸清風慶

古音先與西通先 ○宛拳烈霜雪嚴嚴魚鱉蟄伏萬

物宛 ○舟旋周旋車右騎日服從 ○緜聯西京賦

聯四百餘里此句本不必注薛綜注繚垣猶繞子也

李善又改垣為亶益不通矣班固西都賦繚以周墻

即此句也垣本是墻何必改作亶唐人崔塗繚嶺宮

詩苑路暗迷香輦地繚垣秋斷草烟深王和甫冬日

詩繚垣烏鵲近人飛其用

字固不以薛注為然也

二蕭

○陽鼂

陽朝漢書

○山嶠

山椒楚辭

團焦

團標書屋日團焦

○北齊

○蓬茵

蓬蕭王 ○ 菩蕭 說文引 ○ 步繇 步繇周禮 ○ 簡簫 洞

說文 ○ 票鷓 票姚荀 ○ 山縲 山縲國 ○ 寂聊 四子講 宋

案管子耳之所聽非特雷鼓之 淑湫 同 ○ 蕭條 蕭條

子霄 蕭條又音小 複葆 同上 ○ 消搖 逍遙上 遠姚

遠遙 ○ 招繇 招搖北斗第七星 招繇 同上 漢書

三爻

○ 盤螯 班貓六 ○ 秦苴 藥名 秦苴 同 ○ 薪苞 漸苞說

西茅 蕭茅周 ○ 頤頰 凹硯盧 照鄰文 ○

四豪

○ 同勞 邑名漢 銅瀨 水經注瀨音 ○ 博勞 爾雅博勞通

卦伯勞琴操伯趙左傳○嗶啁號咷鳩名楚○蒲陶漢書

○榨椽椽枯○咎繇皇陶漢書○六弢六韜○俳儻今作俳

俳儻上同○牢愁勞惜揚雄傳○綈綺上息列切下邱喬切連續也見管子

五歌

○澆池說文引詩澆池北流○滹池滹沱水經○亞駝同上秦○澆沱同上字林

○虢池同上○噓池同上○灌池同上○山滹池同上○九呼池同上

○牂歌牂柯地志○狀歌同上○賦歌同上○旖

旖一本音倚移轉音猗難○猗猗同上○榱榱榱榱其

○禕隋委蛇韓詩內○邁池同上○委陀同上○蠓螺偃儂

佗同上○透它同上○鵲河集韻○蠓螺偃儂

注引淳于髡田祝鱗  
螺宜禾注云高地也  
○龜鱗 龜鱗史  
記叙傳 ○藜儀 漢碑  
○

黎蒿 薄荷參  
同契注 ○弁瑀 卞和  
琴操 ○么磨 漢書  
○譙呵 史記

誰何 買誼過秦論  
信臣精卒陳利兵而誰何  
注誰何問之也漢書有誰何卒如淳曰何謂何官也按

他注解誰與譙同與高帝紀譙讓與之譙同何與呵  
同譙讓之也何呵斥之也何官如今之盤詰守關者

○嬰娑 娑娑毛  
詩釋文 ○鞞婆 琵琶  
韻會 ○揣靡 揣靡蘇秦傳注

### 六麻

○黃荇 皇華莊子折楊  
黃荇注古曲名 ○褒余 褒斜楊  
厥碑 ○蝮蛇 騰蛇  
荀子

又爾 靈鼃 子見六書經  
○日施 日斜史記  
○雲查 雲查

雲槎 杜天苴 蜀張儀傳  
○辨華 張平子西京賦  
子美詩 ○天苴 蜀張儀傳

下刻隋其若削辨華  
麗也辨古班字又  
音葩或寫作班梁元帝纂文云辨華文麗也



七陽

○黠匪

歸藏古文易

○相翔

周禮

○何方洋

吳王濞傳

○徜徉

楚辭

後倚貌

○相伴

馮衍賦

○相羊

漢武帝賦

○常羊

郊祀歌

○常翔

老子

指歸

○徜徉

文選以上八條字畫雖異其義一也

○餘皇

餘艘左傳

○流黃

間色也古

樂府

○留黃

同上環

○駢黃

同上論語注疏

○朱斯

艾斯古文尚書

○帝芒

帝荒夏紀古字芒與荒通

切

○牟光

務光古

○禹京

禹強北木

○然王

人扇切今音放板

○赤裳

赤裳管子

有二種

○牟光

今人表

○禹京

神名莊注

○赤裳

赤裳管子

也小雅之棠棣赤棠也

○浩蒼

吳蒼孟

○識方

職方華

○太形

太行

○飛馱

揚

韻

○浩蒼

郁蒼孟

○識方

岳碑

○太形

太行

○飛馱

揚

同上

○博狼

倉浪皆平聲

○朋皇

鳳凰古

○鳳翊

鳳

○鳳翊

鳳

春秋  
○鷓  
鷓鴣司馬相  
鷓爽同  
○暴蟹  
蟹蟹  
○鴛

黃鷓  
○舛黃  
雄黃  
○懷香  
茴香  
○蒼黃  
蒼皇  
○車

梁  
與梁詩甫田  
○菜香  
菜香江  
○檠香  
馨香山  
○胡

羽  
頡頏楊  
○偉惶  
張皇吳  
○淼茫  
眇茫江賦狀滔天

賦夫何大川之浩浩兮洪流淼以元清嵇康詩浩淼洪流帶我邦畿杜子美詩大水淼茫炎海接

八庚

○駘城  
郟城  
○釐城  
同  
○棧城  
並見左  
○牲恣  
性情崔希

嶠  
嶠嶠  
○黃菁  
黃菁精  
○莫菁  
蔓菁周  
○繫纓  
繫纓

說  
○鄆城  
皆左傳注  
○六謨  
帝謨  
○六瑩  
同

六莖  
同  
○六英  
同  
○商橫  
即上章也史記

九青

○丁令丁零句 ○蕝星字星 ○九矜九齡禮 ○銅庭

洞庭山  
海經

十蒸

○蘊蒸鬱蒸古文 ○翠翮翠曾 ○孤棱觚稜 ○韓朋  
苑李陵詩 ○宏窻宏窻屋深響也如空谷之傳  
韓憑搜神記古 ○宏窻聲詩所謂噦噦其冥賦所謂  
朋字亦有憑音 ○宏窻聲詩所謂噦噦其冥賦所謂  
蟻螟飛而生風尺  
蠖運而成響也

十一尤

○莊尪王仲宣從軍詩館字充塵里士女滿莊尪自  
非聖賢國誰能享茲休尪音求九交之道也  
字從九從  
齒為是 ○咎猶國名載 仇繇同上 吡猶同上 夙  
國策

繇 同 上 覽 ○ 棗 駟 紫 駟 爾 爾 ○ 蠅 臺 蠅 游 春 秋 蟬 蛸 蟬 蛸 王 褒

頌 ○ 鴉 鳩 班 鳩 韻 ○ 舊 鷓 集 韻 鷓 鷓 韻 舊 留 同 上 ○ 華 駟 漢 志

華 聊 同 上 漢 書 華 乘 ○ 瓜 牛 蝸 牛 三 國 志 ○ 空 侯 筮 侯 風 坎

侯 同 上 鞞 侯 同 上 ○ 旂 舟 說 文 舟 ○ 鴉 咬 驪 頰 咬 同 上 古 謹

頭 同 上 書 疏 ○ 吾 邱 漢 書 虞 邱 同 上 文 選 ○ 朱 龜 有 朱 龜 碑

今 音 ○ 顛 顛 說 文 顛 顛 說 文 ○ 驚 鳳 驚 鳳 章 應 物 詩 峩 峩 高 上

悟 馳 謝 ○ 禿 鳩 禿 鳩 韻 ○ 南 榮 趙 南 榮 疇 ○ 影 颯 紛 披

如 驚 龜 ○ 禿 鳩 禿 鳩 韻 ○ 南 榮 趙 南 榮 疇 ○ 影 颯 紛 披

貌 文 彪 颯 同 上 ○ 冶 由 女 子 笑 貌 獻 飲 同 上 擲 揄 擲 揄

選 出 晉 書 賈 誼 新 書 籠 蒙 視 治 由 笑 治 由 女 子 笑 貌

亦 揄 同 說 文 作 厥 瘡 人 相 笑 厥 以 支 切 瘡 瘡 同 擲 揄

同 ○ 優 啞 優 游 漢 隸 優 啞 同 ○ 贅 默 贅 疝 集 韻 ○ 晻 留 淹 留 漢 碑 ○

部婁

培婁左傳

附婁

同上

○罽罽

之罽山名張曲江詩

十二侵

○湛霽

沉陰三蒼

○人淺

人參說文

○卑湛

禪謨古今人表

○遲任

遲任

集韻

○浸澗

浸淫選文

○霽窠

陰森窠從穴從木

○扶滯

扶浸地名史記

○

蕩陰

湯陰九域志

○蜚林

配林公羊注引禮齊人將有事于太山必先有事于蜚林禮作

配林

○浸潯

侵尋史記

十三覃

○梁闇

諒陰

○終隆

終南淮南子

○相嵐

相嶽杜預左傳注兩山相嶽可以避

風雨嵐  
又作嵐

十四鹽

○湛漸

沉潛漢書  
杜業傳

○沱淶

沱潛  
史記

○囊窰

廉纖復  
古編

### 十五咸

○驚鳳

驚帆馬名字說大  
鳳下云此篇註誤

○嶧巖

嶧巖  
說文

○櫛櫛

櫛櫛  
揚都

賦



古音駢字卷三

成都 楊慎撰 綿州 李調元校定

一董 二腫

○窈窕

窈窕字誤

○闕茸

踏冗二音一作闕得

○慙慙

己不欲喜怒而傍人說者

日慙慙漢書衡山王傳日夜縱與縱與卽慙慙師古曰獎勸也史記作慙慙又作從容

三講

○桃楸

桃楸山海經

四紙

地釐

地理揚雄美新

徙迪

徙倚女選

徙倚

同上晉帖

○席咒

虎咒

○牖里

羨里後漢書

○醉李

携李公羊傳

○彭麗

彭蠡陸法言集韻

○帥爾

率爾



甘泉 賦 ○ 溱水 淇水山 ○ 瀝水 潁水 澗水 同上 張顯 ○

蟲豸 蟲蟻 蟲蛾 同上 ○ 綠耳 騷馴 ○ 蘭茝 蘭芷 ○ 剪

耳 泉耳莊 ○ 杼苡 茅苡汲 薏英 薏苡 ○ 鄒子 許子史

老古 圖 ○ 大理 大理天官 ○ 緡縻 胥縻 ○ 倪齒 兒齒列

○ 蹇媿 蹇姐文選左驥 ○ 麗爾 麗爾華盛 ○ 离靡 麗

文 ○ 倍灑 倍蓰 ○ 弟靡 頹靡 ○ 大氏 大抵 大底 同上

○ 薨里 蒿里 ○ 黥已 姐已黑而有 ○ 鞠臚 鞠臚淳于

紀切與跪 同又作跪 ○ 漕洧 溱洧 說文

五尾

○ 依侑 不明 優侑 同上 曖曖 曖曖班固終南山賦曖曖

愛逮雲霧吐吞障蔽天日變化殊形也韻會暖曉不明貌一作暖對詩愛而不見毛萇云愛蔽也說文从人作暖方言从草作愛字書或從雲作暖或从日作暖皆蔽而不見之意今文但作愛宋玉高唐賦暖兮若妓姬揚袂障日而望所思以揚袂障日解暖字尤明白韓文雲陰解駁日光穿漏移以解暖與暖對字亦切○暖倫从人菱蔽从草暖對从日暖薰从雲李登聲類云暖音倚暖倫彷彿也字一作暖薰又作暖古詞香暖雕盤暖倫之作暖薰字從雲猶奄忽之作廳廳字从風暖倫不明莫如雲奄忽迅速莫如風也

○中歸仲虺荀子中歸同上○鬼佳佳諸鬼切莊子山林之鬼佳李軌讀

六語

○諛護說文觀縷同上○朱圍朱圍漢地理志朱圍山在翼縣南梧中聚

霄女青女集韻○帝子帝杼史夏紀○宛暑荀子蘊暑同上鬱暑同上

古菴蘊鬱同音故毛詩鬱柳作苑柳風俗通曰菴蘊也薪蒸之所蘊積

七虞

○元父

梁父開山圖大山在左元父在右

○廣鹵

斥鹵同書

○鸚

鸚鵡山

○梨架

規矩說文

○仙甫

山甫嚴訴碑

○桑楮

桑土周禮

注

○莫府

幕府漢書

○疆梧

疆圍史記

○祉霸

徵羽集韻

○汧浦

蒲弦

鄭數名周禮

○萑浦

萑蒲葦名也又作萑苻

○蔥楚

沈約郊居賦西陵忽其蔥楚言

蔥蒨而懷楚也

八齊

○金鋼

金棍古易

○粉絲

粉米說文

○昭酒

昭洗選詩經生諒昭酒

九蟹

○賣債

賣買周禮賣又音粥

○獬豸

獬豸廣雅

○鮭魷

同上太元

十賄

○賁海

渤海淮南子

○窟岨

唐書

魁樞

同

○玳瑁

蓓蕾復

蓓雷

晉書童謡

蓓藹

同

○欵乃

說文欵乃磨也集韻作唉

古編

或從口

或從欠

如嘯之作

歎之作

嘆字雖殊

義一

也史項羽紀亞父拔劍擊玉斗而破之曰唉楊子法

言始皇方獵六國而剪牙欵注欵絕語歎聲楚辭欵

秋冬之緒風楚辭用之於句首楊子用之於句終蓋

噫嘻嗚呼之類也朱子辨證云欵乃棹船相應聲元

結有欵乃曲柳宗元詩欵乃一聲山水綠注欵乃一

本作禱靄按欵音靄乃音禱近日倒讀之誤矣項氏

家說云劉蛻文集有洞中靄迺歌劉言史瀟湘詩有

閑歌賸迺深峽裏靄迺也暖迺也欵乃也皆一事但

用字異爾欵本音哀亦轉作上聲後人因柳集中有

注字云一本作禱靄遂欲音欵為禱音乃為靄不知

彼注自謂別本作禱靄非謂欵乃當音禱靄也靄迺

欵乃不妨兩本並行何必比而同之乎慎按欵乃歌

聲本無定字劉蛻劉言史詩流惟寫方言元結柳宗

元通儒略依字義矣者應聲如噫嘻之類乃者曳詞之難如詞賦中若乃乃若之例此雖字音之微而禱靄當作靄禱自朱子始正世俗倒讀之誤靄迺自效乃自項平菴始正前人混淆之失古人文理密察如此後學其可  
以鹵莽觀之乎

十一軫

○中盾

中允漢書序傳

○曲允

曲引長笛賦

○邱蟪

蚯蚓集韻

○蛟虺

蛟虺同上

十二吻

○伯鮠

伯鮠書注

○民殷

民隱漢劉熊碑

十三阮

○茂苑

茂苑吳都賦帶朝夕之瘠池佩長洲之茂苑

○芷苑

紫苑說文紫苑出漢中房

曉苑有宛鬱二音見上苑柳注○**袿**朱袿荀子○**踔遠**寫遠史記○**徯遠**同上說文

○**於蹇**偃蹇說文○**暇婉**燕婉說文引詩

十四早

○**鳳丸**鳳卵山海經○**路亶**露袒荀子新序作落單

十五潛

○**雀錢**爵蓋續鍾鼎韻○**遶東**遶簡漢功臣表

十六銑

○**兵爓**兵燹說文○**緙纜**袞冕管子○**緇纜**書又詩緇纜○**元**

**端**元冕玉萍○**姑洗**律名沽洗同上○**瑊瑊**廉○**疥癢**疥癩史記

○**鞞**蒼頡篇上音庖下音軟○**鞞**同上○**湛酌**沈字林○**曼羨**

曼衍史記 封禪書 曼延 同 上 相 京賦 西 閔

勉 龜勉漢五行志 谷 黷沒 同 上 雅 密勿 漢書引詩 勉 從事作密

勿 從事故知密 眠姪 音 臄 列子 瘁癘 韓嬰詩傳 瘁癘 下民瘁癘

今瘁 卒癘 同 上 禮記 瞻睨 見 睨 釋文 引詩 見 睨 曰 消 瞻 睨 陰 日 瞻 無 雲 而 陰 日 瞻

十七篠

○霄霏 音 小 杏 又 音 蕭 淮 南 子 宵窳 窳 窳 詩 釋 文

十八巧

○孟卯 芒 卯 戰 國 策 室鼎 寅 卯 字 指 古 文 寅 煙 通 卯 字 上 從 日 與 鼎 不 同 昭

藐 西 京 賦 昭 藐 流 眇 一 顧 傾 城 注 昭 眉 睫 之 間 藐 好 視 容 也 今 按 詩 云 猗 嗟 名 兮 玉 篇 引 之 名 作 顛

眉目之間也字從冥言美人眉目流眇使冥迷所謂一顧傾城也昭顯字異音同義

### 十九皓

○襁褓

襁褓說文

襁褓

同上

○陳宗

陳竇說文引書陳宗赤刀或言即陳倉瑞雉

○乘鵠

乘鵠鳥也

羽翽

羽葆晉志

○鵠鵠

鵠鵠王右軍帖

○伍卞

五人

為伍有參聚十人為伍有行列也兵法會要

### 二十舸

○崑瑣

荀子注又作傀瑣

傀瑣

同上

委瑣

司馬相如傳注細碎也

蠕羸

蠕羸

說文

○璪火

藻火古文尚書

○裊儼

裊儼云腰身裊儼又作平音

旖旎

楚辭紛旖旎乎都房王逸注引詩曰旖旎以招搖揚其華今詩作倚儼司馬相如賦又旖旎以招搖揚其

賦旖旎郢偁之旖旎王褒洞簫賦形旖旎以順推其用字皆自詩楚辭來當依詩音作猗儼特古今字形



有異耳今以猗儻為平  
音旖旎作仄音誤矣  
旖旎同 ○拈捶 拈簸稱量村

斤簸 拈搯同 拈播同

二十一馬

○妖蠱 妖冶文 選舞賦 ○古蠱 古冶子人名淮 南子又馬融傳 ○窈冶 妖冶

其文飾也不 至于窈冶 ○毋野 牧野 ○澤鴛 澤瀉草 名說文 ○嫫者 粲

女三為嫫從 女是說文 ○澹雅 瞻雅方 言序

二十二養

○吻爽 昧爽史記從日 睡爽同 ○鄉邨 鄉黨古 論語 ○罔

兩 翹翹 同 上 說文 罔 罔 同 上 孔 景 景 漢 丙 響 同

○蛭蚌 瘞痒 說文 ○敞克 愴悅 倉兒 愴悅毛詩 又楚辭

二十三梗

○膏商

泰丙古善御者列子注引入駿圖

○卷領

衮領淮南子

○汶領

岷

右軍帖

○伯槩

伯固說文

○蒸麩

蒸餅束哲有蒸麩賦

○尚荷

說文引詩衣錦

尚荷尚綵同上

二十四迴

○茗芋

酩酊晉山簡傳

茗打

同上世說

○修迴

修迴路遠也漢碑

二十五拯

○用拏

說文引易用拏馬壯吉

○不拯

增韻引易不拯其隨又作丞

二十六厚

○部婁

培婁左傳附婁

同上說文

○剛晦

畎

○晦母

嫫母古今人表

○

泥母

窟母春秋也名音窟

○萁母

知母集韻

○世柳

禮記

○鼓叟

警

古今人表

○傳叟

左傳

○府首

志引殷歷

○竟首

周禮

○怒粿

怒吼莊子

○干嘔

乾嘔王右軍帖

二十七寢

○淡陰

痰飲香嚴音

二十八感

○飲窳

坎窳太元

○欣窳

同上玉篇引太元

○菡藺

菡苕說文

○初犖

坎初

歸藏

二十九琰

○曾歲

會點

○湫灑

文選

○滔淡

三蒼

○泔淡

同上揚子

三十賺

○曾黥金石錄載漢碑引詩有黥淒淒○金釵金鍔馬首冠也

古音駢字卷三

古音駢字卷四

成都 楊慎撰 綿州 李調元 校定

一送

○子贛

子貢左傳

○華墮

華洞急就章乘風懸鐘

○駟

○三櫬

禮注

○三弄周

禮注

二宋

○霧淞

雨也

○苾封

苾封淮南子

三絳

○一閔

楊子一巷

○家衍

楚辭家巷

○三紅

三絳南中地名三國志

四寘

○穹翠空翠江淹集 ○騏驎騏驎驥勅碑 ○踰次榆次山海經 ○髻

鬢鬢髻字誤 ○諷諫諷諫釋文 ○螭魅魑魅左傳 離彖同上略古 襪

同上路史 ○憔悴憂也 顛頽困也 蕉萃色衰也 癯瘁病也 ○西

二西洱 西珥同上地志 ○芊芴舊荊草本雜也 ○晏屢鳳鳥諸經音義 ○

誣諉累贅集韻 ○凋劫魏書蔣濟疏凋劫之民葛洪字苑劫作觥九偽反

五未

○鄣氣瘴氣文選注 ○宛氣鬱氣史記倉公傳 ○敵氣說文引左傳敵王所

鑰今作愾

六御

○淫預灑預古樂府 ○迴馭迴馭文中子脩羅迴馭 ○諸莖薯蕷山海經

○**允** 豫九後漢書 ○**侑** 仔逸豫古 ○**臺** 豫臺序又音作榭禮注 ○

**嘉** 影嘉樹 ○**磨** 鋁磨鑪 ○**萼** 布萼布干午

七遇

○**磬** 護韶護 ○**塗** 黠唐韻有所絕止 塗乙 主從黑其

義也乙其形 ○**荔** 庶黎庶 ○**趺** 步漢碑 ○**大** 駱大駱 秦本

紀 ○**燠** 休左傳 ○**煦** 嫗同上 ○**噢** 咻同上 ○**有** 鄂有尾

○**錯** 悞錯悞 ○**錯** 萼錯悞 ○**驅** 駱鷗鷺 楊

**惶** 怖惶怖 ○**金** 投金注 ○**狄** 杜狄杜 ○

北本作說文 ○**金** 投注呂覽 ○**狄** 杜北齊 ○

八霽



○**𦉑**親

三埤埤

○**夫**移

棠棣韓詩

○**跋**盤

跋戾漢書

○**唵**嘯

唵嘯列子

注

○**辟**倪

魏其傳

○**瓊**麗

塊麗高僧傳

○**愔**嫵

愔嫵和而雅曰

賦

**慝**慝

同上洞

○**翟**髻

髻髻周官注

**魁**結

史記推髻

**椎**紒

同上

論

○**蠱**媚

治媚文選

○**搖**曳

楚辭搖裔

○**道**遙

道遙集韻

○**岵**嶠

同上

魯靈光殿賦

○**苓**載

零替周成雜字

### 九泰

○**萃**蔡

璫璫上林賦喻甲萃蔡注萃蔡衣聲也郭璞曰萃蔡猶璫璫也張守節云萃音翠蔡干賄

切

**粹**縹

同上班婕妤好角悼賦

**璀**粲

同上洛神賦

**翠**粲

同上嵇康琴賦注翠粲與粹祭

字雖不同

**粹**縹

同上

○**埃**𦉑

𦉑𦉑復古編

○**佺**儼

佺儼李其義一也

### 十卦

○懿戒抑戒國語○撻擻揖拜揚雄奇字○懋薊蒂芥文選○薑芥同上○葛

介同上○暗醜暗喝該漢書音○沆漑沆漑史記○菅蔽菅蒯左傳○菅

蕢同上○菅甸同上○蕞薊同上○水蘖水鞠漢杜詩傳

十一隊

○毒冒玳瑁王莽傳○疇帽玳瑁崔希裕略古○毒瑁同上○玉盞王敦周禮

珠盤玉盞籀文作盞○閩蚋蚊蚋月令注○飧謁晚謁○霄同上○簡

裁簡在文選○巾幘對切古○巾國同上○巾頰同上○粉騰粉黛

集韻

十二震

○息慎肅慎史記○稷慎同上○帝俊帝舜山海經○初釐初震歸藏

易 邑憐愜吝荀子 ○目眈目瞬公羊傳注以目通指日眈 ○執誅執訊 注

十三問

○五均

五韵樂緯

○體賁

周禮注

○逢賁

同上儀

十四願

○淡悶

痰悶王右軍帖

○泥頓

遲頓略古

十五翰

○慢弛

上音慢下音歎俗云慢慢弛弛是也莊子

○璧散

璧散爵名明堂位

○鶡

旦月鴉鴉鳴同上

說文

鴉同上鳴同上

渴詩旦疏

盍同上

○露旦

旦陰

三 蒼 ○爛曼

爛曼文選

○瀾漫

同上琴賦

○遂竄

遁竄漢隸

○迎這

迎這佩觿

十六諫

○鳴馭鳴馭鹽

○習慣習慣裴光遠集綴

○習弗同上周禮注

○物

豢豢豢

○水凍水凍

水凍考工記

十七霰

○川欄川棟考工記注

○婉嬝婉嬝說文引詩

○礮礮閃電十洲記又見參同契

○竹檣竹檣

○竹簪竹簪

○蚰蚘蚰蚘集韻

○咎單臯善人名尚書序

○竹檣竹檣

○竹簪竹簪

○徐錯說文系傳○古文箭晉同音周禮箭字鄭元注云故書皆作晉易曰晉者進也古字薦紳一作搢紳是其

○芊蕒上音蒨下音練江賦

○倩泚同上子虛賦注疾速

○雪霓雪霓

○玉嫵玉眷注徐

○玉嫵玉眷注徐

○玉嫵玉眷注徐

十八嘯

○窈眇 ○幼眇 ○要眇 三文同音同義 ○照難 照難字略 ○

炫爚 眩曜老子指歸 ○龜晁 龜兆集韻今以晁為龜非 ○儇笑 園賦 ○

柔兆 太歲在丙也 游兆 同上 游姚 同上 ○躔蹕 同上 ○

音吊 莊子 蹕蹕 同上 躔蹕 同上 ○臙曉 又蕭韻

十九效

○輯濯 楫棹 ○頌兒 容兒字苑

二十號

○四顛 四皓說文注 ○剡道 棧道史田叔傳 ○左翮 左肅字苑 ○節敎

節操 ○武臬 呼噪呂氏春秋

二十一箇

○四左四佐汲冢周書維天九星維地九州○瘁癘

詩下民瘁癘又音闐卒瘞同

二十二 馮

○高系高柘地名漢書○圩墟甘蔗緝珠集○戲下麾下漢書○咄嗟

上音出下音話晉史咄嗟而辦咋啻同上古樂府

二十三 漾

○博狼皆平音又本音○藺若莨若集韻○鞞强屈強相如傳○倜倡

倜悵太元○漾漾漾蕩諸經音義○雁宕雁蕩集韻○條昶條暢琴賦○趙

漲趙與驀同江賦鼓帆迅越趙漲截洞○詡詡頡頏揚雄傳

二十四 敬

○柰政

七政太元

○笏命

說命禮說引書

○執僥

執競國語鍾師注繁邊渠執僥

也

○梟鏡

梟鏡史記

○圓窳

圓幘東海氣如圓窳見晉書窳畫繪也

畫幃

郭調

指字畫幘

同上

二十五徑

○諛證

驗證博雅

○蒲醴

釜甑字說

○日暉

日映纂文

○用声

鐘磬

古文

○懸窳

懸磬石經左傳

二十六宥

○粗榘

俎豆三禮圖

且宣

同上

○邊豆

籩豆集韻

○句扇

句漏九域志

○中窳

中葺韓詩

○輻輳

輻湊漢書

○麋壽

眉壽鼎文

○涓漱

與漱公羊

涓涑

同上管子

○綉留

宿留行不進也莊子注

○避邁

避迨詩注解后同上

詩釋

○闍茂晚茂又作淹茂  
歲陽名史記

二十七沁

○侏伶

也文選

○氛禘

集韻

○叫矜

集韻

二十八勘

○成覲

成覲人  
名說文

○恬惔

恬淡  
老子

○神禫

冲澹老  
子指歸

二十九豔

○棧韞

韞韞唐  
文粹

○氣炎

氣燄五  
行志

三十陷

○欠覽

水鑑

○錢温

蓋温飲  
器也

○大鳳

大風古諸  
侯通史繳

大鳳於青邱戮修蛇於洞庭又牟子云鳳鳳裂序蒼  
蒼舛度乃選五石以補之本注鳳音梵疑鳳字之誤



古音駢字卷四

古音駢字卷五

成都 楊慎撰 綿州 李調元校定

一屋

○溟沐

霖沐 太元

○四寶

四寶 官注

○衡鹿

衡麓 左傳

○觚竹

孤竹

列子

○頰谷

夾谷 穀梁

○目宿

首宿 域傳

○菽菹

同上 字林

○蓀蕩

爾雅

○蕩蕩

同上 蕩蕩

○百粲

百穀 海經

○蹇鞞

蹇鞞 漢書

○踰踰

鞠

○鬼史

鬼史 同上

○鬼容

同上 漢書

○召穆

昭穆 說文

○嫫媧

韻

○韞轡

韞轡 文選

○苒祿

福祿 卷阿 詩

○殼濁

一音 鵲突

○健鶩

韻

○驪騶

六羸 野馬也 宋禮義志

○健鶩

飢粥 說文

二沃

○趨躡

躡 躡石 鼓文

躡躡

易

躡躡

禮記

躡躡

同上

○乘楫

漢書

乘輦

同上又作乘橋乘標乘操音與字雖不同而義則一也

○身毒

國名

天竺

同上

漢書

天竹

同上

天督

同上

天筑

同上

○鷓鴣

屬玉鳥名

○亭育

亭

狴獄

狴獄漢紀

○趨速

恩詩注

○闔不

管子

○亭育

亭

古老

○薛燭

人名說

薛灼

同上

薛蜀

同上

或作燭

或作

蜀固一

### 三覺

○握齕

好苛禮貌又迫也禮注

握齕

同上

握齕

同上

握促

同上

集韻

○冰霑

水霑詩緯

### 四質

○平艷

平秩說文引詩

○蜨蛸

蟋蟀

○鬱壘

鬱律山海經神荼鬱壘

### 五物

○密勿

漢書注引詩詎勉從事作密勿從事

○沒

上音密爾沒猶黽也沒與勿音相近

○黼黻

黼黻史記秦紀裴龍駒云史記有此等古字乃為好本

○黼黻

詩疏黼黻

○紱

同上禮注斧市辨異

○佻佛

佻佛陸雲

○髣髴

同上說文

○仿

佛

同上甘泉賦

○放恣

同上漢書郊祀歌注梗槩也

○方弗

同上師古注

披拂

○繡駟

繡駟後漢書

○伊鬱

壹鬱崔元始正倫智亡伊鬱於下

○抑鬱

上堙鬱

同上屈原傳

○抑鬱

同上鬱字也

### 六月

○斲琬

易釋文

○倪伉

韻集

○隍杌

汗簡

○泉元

內典

○執虺

同上

古文 **淠** 說文引詩一之日淠淠 ○ **月** 月窟揚

**中** 仲忽古 ○ **終** 窮髮南荒不 ○ **飈** 奄忽 ○ 穴

從三家 **霍** 同 ○ **翽** 秒忽史 ○ **鈹** 披泊荀卿 ○

今文省 **蒙** 上 ○ **蒙** 同 **蒙** 同 **蘇** ○ **林** 林樛

七曷

○ **靺** 國名古肅慎地也又紅 ○ **蟬** 音丹邊 ○ **壅**

**藹** 壅邊周 ○ **患** 恐渴漢

八黠

○ **嘲** 嘲晰 ○ **巾** 巾帕邪巾褶頭古為始喪之服

川不鞮巾而喪 ○ **鞮** 巾帕 ○ **朱** 莫聖切 ○ 西京賦

紅帕韓文 ○絳袂韓文 以 ○車牽車轄 ○古刺古刺 ○

獼狽獼狽 ○菝葜菝葜 同 ○偈蒞佛詩 曰偈佛文

訓迥異按周禮 入成聽稱責以傳別鄭注 云為大手

書于一札中字別 之字一作蒞見劉熙釋名 佛經有

記蒞之說又曰 三乘之業授聲聞蒞光從 頂入授辟

支佛蒞光從 兩眉間入授菩薩蒞光從 口入 ○蒞在

佛為授記在俗用 為文契合同也 周禮所言稱責稱

稱貸也責錢債也 又釋名蒞別也大書中央 破別

之也即今市井 合同夷人刻木之類耳佛經有 記蒞

之文古人作僧寺文 多用記蒞字而不知其解如此

九屑

○蹠齧蹄齧 鵠鵠 蛙同上 又音帝 ○四載駢

漢書駟音悉見蜀 ○皂枿由藥說 ○荏藜荏藜 槎枿

都賦注載又音替 ○帶霓帶霓 在帶選杜語 ○闐闐

開閉。閉丁結切。門閉也。今借用閉。選詩荆扉書恒閉。○凹凸。古文。容突。上。坳。垤。

○頤莖。上。同。○齒載。齒莖前漢書。犬馬齒載。

十藥

○跖落。也。脫落無檢局。○擬恁。疑。昨。○芒落。荒。落。史。記。古。字。荒。與。

同。○伯格。陌。落。史。○牢落。文。賦。心。牢。落。而。無。偶。○鴝。楊。僕。傳。○寥落。○鴝。

雀。鴝。雀。黃。戴。鵲。福。傳。○鸞鳥。鸞。雀。漢。縣。名。鸞。胡。上。霸。傳。○鸞。鳥。又。作。鸞。胡。

元。魏。紀。功。碑。幸。○灑灑。灑。灑。皆。水。聲。也。○斥蠖。尺。蠖。龍。荒。遊。鸞。朔。○皇駁。皇。駁。齊。詩。○垠堦。垠。堦。日。鄞。鄂。同。上。

注。蚺。蠖。文。選。○皇駁。皇。駁。齊。詩。○垠堦。垠。堦。日。鄞。鄂。同。上。

契。圻。壘。同。銀。埤。同。上。荀。子。○驚鄂。驚。愕。霍。○作詔。作。太。歲。在。作。駱。同。上。作。鄂。同。上。○廖廓。廖。廓。漢。碑。○旁。

西。也。作。駱。同。上。作。鄂。同。上。○廖廓。廖。廓。漢。碑。○旁。





壽  
○羨亦誘亦石 ○超騫騫上馬也借作超 超趙文選

注 超趨古文苑班固紀功 ○瘴瘵瘵瘡凍瘵 ○董赤

董赤人名史記 ○肴覈肴核班固共引 ○糟核漢書糠覈平傳 糟

覈糟核 ○穡積畜積老 ○版斨斨斨斨破也斨開也

梁益之間裁木為器曰鋏 ○温螻騷今作塵埃

十二錫

○絲末絲帚 ○原礫原礫 ○草荔薛荔山 ○蘆蒿蘆

凡將 ○鋒鋌鋒鏑賈 ○簡邊簡狄古 ○澆浙說文引

子去齊澆 ○玃璫的璫相 ○鳩鴟鳩鴟

十三職

○元弋元黠太歲壬○橫艾元黠史記○日稷日側穀梁傳又先母汗及費風碑

○汎國國○溝洫溝洫史記○稼飭稼飾急就章稼飾刻畫無等雙○不

翼比翼阮籍傳○谿鳩鷓鴣說文○服綵服翼爾雅翼○稼嗇稼稽周禮

元墨元黠漢碑○反則反側齊詩○匍匐匍匐說文○蒲服同上史記○扶服

同上禮記○執力漢勢上九○瓊叟瓊塞邯鄲淳藝經○叩懋

叩懋漢碑○瓊同上九○鬱悒楚辭鬱邑同上

十四緝

○幽溼幽濕續隸釋

十五合

○影齶縹髹也彩畫也○闔屝間闔字林○阿邑阿隘○邑音隘阿隘詔諛迎合

也張阿匱同上唐書○片合判合○牌合判合○廳坵  
 湯傳阿匱蕭復傳○匱周匝復○嘈噴文選陸機文賦  
 又允園賦賦○匱古篇○嘈噴或奔放以諧合  
 務嘈噴而妖冶注引埤蒼曰嘈噴聲貌與噴及獻  
 同才曷切今本舛誤作啐獻作獻余得古本始正其  
 誤

十六葉

○較涉

跋涉儀禮注

十七洽

○藁函

藁插字林

○三陝

三陝字誤


○四跽

四跽儀禮注引左傳四跽不蹕

駢駮

上王洽切下魚洽切併戲人也諸經音義

古音駢字卷五畢



古 音 複 字

楊 慎 撰

古音覆字

本館據函海本影  
印初編各叢書僅  
有此本

古音複字卷一

成都 楊慎撰 綿州 李調元校定

一東 二冬

湛湛

羊戎切宋玉九辯乘精氣之搏搏兮驚諸神  
之湛湛鬱白霓之習習兮歷羣靈之豐豐

童童

獨樹也古文苑蘇武詩童童孤生柳寄  
根河水湄杜甫詩浦上童童一青蓋 ○戎戎

杜詩

江市戎戎 戎戎厚貌與  
暗山雲淪淪寒 戎戎戎戎通 ○容容 楚辭雲容容兮  
容之無經兮又扈屯騎之容容韓信傳百姓罷極怨

望容

容無所倚漢郊祀歌旌容容騎沓沓後漢書左  
雄傳白壁不可 ○衝衝 注也詩憂心忡忡 愬愬同上

為容

容多後福 ○衝衝 注也詩憂心忡忡 衝衝也 愬愬同上

九歌

極勞心兮愬愬 燼燼同上爾雅燼燼也 焯焯同上 蟲

又心

煩寃之愬愬 燼燼同上爾雅燼燼也 焯焯同上 蟲

漢詩 同上雲 焯焯 後漢書引詩 蕤蕤 古衝字 ○融融 樂

古音複字 卷一

也左傳其樂也融融太彤彤同張賦 ○ 同同公羊傳

元日飛懸陰萬物融融唯唯上 ○ 龍龍山谷長而深

同 ○ 鳴鳴肥也說文 同 ○ 蝻蝻也相如賦 控

控同上相如賦巖 ○ 叩叩名獸 蛩蛩同上又拘擊貌

懷顧兮竟眷 ○ 騶騶顯顯體 禺禺魚牛也 魴魴同上

總總禮記喪事欲其總總爾汲豕周書殷 ○ 熊熊海

經南望崑崙其光 ○ 狷狷山海經泰山有獸名狷 ○

瀟瀟山海經釐山瀟瀟 ○ 庸庸書庸庸祗祗威威荀子

三江

從從髻高也檀弓 ○ 澁澁水聲也杜甫太清宮 ○ 雙

爾勿從從爾 賦中澁澁以迴復 ○ 雙

雙山海經赤水流沙有三青獸相比此名曰○**龐龐**大

塗山歌綏綏白**辭辭**逢逢鼓音

四支

穉說文引詩○**佻佻**說文引詩○**攸攸**說文引詩○**攸攸**說文引詩

屋小也从徙為**些些**荀子引詩○**攸攸**說文引詩

聲从么為義**些些**喻喻些些○**攸攸**說文引詩

綏綏○**提提**音時詩歸**翹翹**同○**攸攸**說文引詩

覲也荀子○**睽睽**說文曰行睽睽樂浪有東睽縣吳

文改○**總總**與總同汲冢周書殷政總總若風草文

書相傳有兩本者如此類即宜○**吹吹**吹或以為啞字

畎畎○**倝倝**倝者幾欲之貌列子倝倝成者倝成





踈踈

同上淮

○几几

飛几几與受同

受受

○魚魚

行成隊也韓

○慎慎

叙傳長情慎慎

息息

○姝姝

莊子暖

○踰踰

漢書踰

塗塗

厚貌楚辭白露紛以塗

晚泥

○諸諸

便辯也

八齊

折折

音提安舒貌禮吉

媞媞

美好貌漢書

媯媯

同上○

睽睽

目不相視貌易林六目

○齊齊

十分切禮廟中

又音

騏騏 彼走騏騏

○黎黎

石鼓文旛

○萋萋

草盛

也詩維葉萋萋又蒹葭萋萋楚辭春

淒淒

簡閱貌詩

草生兮萋萋

悲也

選詩淒淒明

棲棲

六月棲棲

栖栖

猶依依也語何為是栖栖者

九佳

○偕偕

詩借借士子

涪涪

詩淮水涪涪

啾啾

詩雞鳴啾啾

啾啾

又其啾啾黃鳥聲也

又離離啾啾鳳凰鳴也

濟濟

賦鷓鴣鳴以濟濟

征

咳咳

小兒笑也說文

咳咳

也說文

十灰

腓腓

韓詩周原腓腓文選腓腓

每每

左傳原田每每舍其舊而新是

謀

○媒媒

莊子媒媒晦晦無

晦晦

音灰見上

○皚皚

說文雪霜

之白卓文君詩皚皚如山上雪皎如雲間月

文

皚皚

皚皚

上

選涉

積雪之皚

皚

杜詩崖沉谷沒

皚

皚

皚

皚

皚

上

澄澄

同

○磴磴

漢郊祀歌美芳

磴

磴

磴

磴

磴

崇

積

○虺虺

雷聲也詩虺虺其雷

回回

文選焱回回其

回回

楊靈又漫漫方

回回

回回

其

也

○虺虺

雷聲也詩虺虺其雷

回回

文選焱回回其

回回

楊靈又漫漫方

回回

回回

其

與回回洪覆逸  
詩八風回回  
橫兮流洄洄波  
降降兮聲若雷  
徊徊 揚雄賦徒徊  
洄洄 漢桂陽太守  
周君碑石縱

### 十一真

誥誥 衆多也詩蝻  
斯羽誥誥兮駢駢  
駢駢 詩駢駢  
稊稊 說文引詩

楚辭往來侏侏注  
引詩侏侏征夫  
駢駢 詩駢駢  
解解 說文引詩  
莘莘 詩莘莘

宋玉賦縱  
縱莘莘 牲牲 其牲  
牲牲 鹿牲  
昀昀 墜辟貌詩昀昀  
原隰昀昀墳衍斥斥

營營 同上周禮注引  
詩營營有隰  
言言 與閭間同禮記二爵  
而言言斯注和敬貌  
訾訾 楊子何後世之訾

訾訾 楊子何後世之訾  
言言 與閭間同禮記二爵  
而言言斯注和敬貌  
訾訾 楊子何後世之訾

斷不可光祿勳何邪注忿疾  
貌文選元熊蟬蛭以斷斷  
斨斨 今作狝 ○斨斨

呂氏春秋水雲魚鱗鮑照詩  
麟麟夕雲起獵獵曉風適  
斨斨 音旻和也史記

收收 ○賓賓 恭貌莊子何賓 ○俊俊 與恂同史記李

率土 ○賓賓 賔焉以學子為 ○份份 彬彬說文 煢煢 同上又

人漢書 作恂恂 交交 也說文 ○份份 引論語 煢煢 音燹

○民民 韓詩民其庶今 泯泯 黃庭經雷鳴 ○恣恣

說文疆也周書曰在受德恣楊子法言著古昔之昏 奮奮 千之恣恣莫如書注昏昏猶喋喋也恣恣猶

也 勉勉 ○鞫鞫 振振文選振振鞫鞫 闕闕 同上又 ○訕訕

敦敦 醇醇爾 ○軫軫 呂覽軫軫啟莫不載 十二文

囷囷 漢碑引詩囷囷原隰田 烟烟 細網又作壘 焜焜

縕縕 又作壘 壘壘 同 ○芸芸 華葉盛也老子夫 云

云 山名在泰 沔沔 張平子賦水沔沔而湧濤 杜 抃抃

慕容庾稱封奔曰此家  
 耘耘千里捷也又音隕  
 狀媿媿○芬芬書泯泯  
 以蜃蜃○芬芬泯爲亂  
 貌翁翁上泯泯也毛落  
 霧霧選詩欲往從  
 之雪霧霧

十三元

噉噉唐韻引詩○樽樽說文引詩樽樽舞我  
 北極之昏昏昔之昏昏○暖暖音暄柔貌莊  
 樽樽○軒軒世說何其魂魂山海經南望崑崙其  
 軒軒韶舉○魂魂光熊熊其氣魂魂○噉噉劉向  
 日噉噉而西舍兮  
 陽炎炎而復顧

十四寒

十五刪

疹疹

說文引詩疹疹駱駝

○霉霉

溥溥露

○洹洹

後漢音丸

書注引詩漆與

○珊瑚

文選拂墀

○擊擊

苦閑切說

洹方洹洹

○頤頤

韓非子一

○翽翽

楊子朱

與斑同相如封

○爛爛

韓退之詩華

○九九

詩松栢

○蠻蠻

鳥名即鷓鴣

瞞瞞

荀子瞞然瞑瞑

裊裊

說

引詩獨行裊裊目驚視貌





角  
○淺淺濺濺楚辭石 磯磯上同 卷卷李陵詩卷卷月

○甄甄音廷王逸九思 鷓鷓音軒軒鷓鷓兮甄甄 轉轉詳見前

二蕭 三爻 四豪

梭梭蕭蕭南史楚辭鈔 媿媿說文引詩 杪杪上同 慄慄風颭颭兮木梭梭

慄慄搖搖爾雅引 茗茗楚辭引詩茗茗又茗茗倚桐樹

茗茗魏文帝詩茗茗山 遙遙茗茗又茗茗倚桐樹 倜倜倜然其不及

矣 侶侶上同 肴肴莊子天下滑滑大 麋麋武貌詩

儻儻詩雨雪 鑣鑣詩朱幘 髟髟長髮 森森同

○糾糾詩糾糾葛屨讀如 繚繚詩糾糾葛屨 燎燎○燎燎

音 潦潦同 堯堯音翹字或作嶢 燎燎王德不

堯姚姚說苑美哉土○洮洮世說洮洮清便言洮洮

○超超世說超超欲度驂駒前又云○秋秋入謂小

語低聲曰啾啾千遙切漢樂府秋秋○聊聊楚辭耳

聊聊而○彪彪水聲也吳都○彪彪上○調調林梢動

未止○刀刀同上莊子而獨不見○飄飄風也相如賦飄

氣縹縹同上楊○飄飄史記鳳漂漂○影影長組

選層構峩峩○怯怯曉曉說○彫彫荀子雖有珉之

清塵影影○怯怯文引詩○彫彫荀子雖有珉之

章○駮駮石鼓文左○焦焦子消切荀子其誰能以

拔者○梢梢選詩梢梢枝早○磬磬漢書引詩燥燥

子燥燥

五歌

羅羅

鳥名見山海經文云北海有青獸焉名曰羅羅

○婆婆

黃庭經金鈴朱帶坐婆婆

○

娑娑

文選修初服之娑娑

六麻

嗟嗟

管子東郭有犬嗟嗟欲噬我猴

○牙牙

唐司空圖文女則牙牙學語男則鴈鴈成行

○鴉鴉

李賀詩鴉鴉向曉鳴森木

○嗟嗟

詩嗟嗟臣工又嗟嗟保介越裳操於乎嗟嗟

七陽

皇皇

大也光也明也著也詩皇皇者華又穆穆皇皇又皇皇上帝國語天道皇皇日月以為常

遑遑

迫也遽也通作皇孟子皇皇如鏗鏗詩鐘鼓煌煌也禮記皇皇然如有求而不得

輝煌

也詩明星煌煌又檀車嗶嗶詩鐘鼓嗶嗶又兒惶煌煌又明星煌煌詳天文

徨相如賦徒徊  
趙趙文選猛  
○將將與將同文選

蔣崔琰述初賦倚高臚  
○蹌蹌舉足有容也詩濟濟

以周盼觀秦門之蔣  
○蹌蹌蹌蹌禮記士蹌蹌

瑒瑒玉聲也詩鏘鏘金聲也詩  
○蹌蹌蹌蹌詩入鸞鶴和也

○滴滴步郎切列子美哉國乎鬱鬱  
○滂滂上

容闕闕  
○硠硠石聲相如賦  
閨閨門闕聲文選出紫

微之  
○牂牂詩東門之楊  
○囊囊灑灑說文引

駢說文引烝民  
○駢駢駢駢上  
○蹠蹠說文引詩

明也  
○唐唐嚴君平老子指歸

○央央鮮明貌詩旂旒央央  
又白旒央央又庚韻

八庚

𦉰

說文目驚視也

𦉰

詩媛媛在疾

惇惇

憂也詩憂惇惇

熒

熒

同熒

熒

同熒

熒

同熒

熒

獨也詩哀此婢

熒

熒

又作媛

媛

媛

媛

媛

媛

媛

媛

媛

媛

同

同

同

同

同

同

同

同

同

同

同

同

同

同

同

同

同

同

同

同

選

鴻

鴈

鴈

鴈

鴈

鴈

鴈

鴈

鴈

○英

英

英

英

英

英

英

英

英

英

庚

庚

庚

庚

庚

庚

庚

庚

庚

庚

注

硜

硜

硜

硜

硜

硜

硜

硜

硜

山海經海隅之  
○眊眊楚辭魂眊眊  
○萃

萃宋玉賦涉莽馳萃萃  
○青青詩青青者莪又綠

木之英日菁蓋字書作青而音與義作菁也不然綠

竹青青既云綠矣又焉得青邪與九青韻青青互看

贈贈錚錚後漢書  
○忻忻忠直貌東方朔七  
○旌旌

九青 十蒸

青青詩青青子衿又青青子佩古詩壽青河畔草又

夏青青又青青之麥生于陵陂黃庭經葉去  
○僂僂

枝枯失青青與青青者莪及綠竹青青不同  
○僂僂

爾雅僂僂僂僂 ○冥冥詩維塵冥冥莊子至道之精窈  
也前切  
無冥冥之志者無昭昭之明說苑不為昭昭申節不  
為冥冥墮行淮南子人能冒冥冥而入昭昭可與言

至矣楊子鴻飛冥冥文中子我猶遊于矰繳之中夫  
 子可謂冥冥矣李陵詩紅塵蔽天地日月何冥冥嚴  
 君平老子指歸淪唐唐含冥冥漢書彼豈暗于經治  
 之道而以冥冥決事哉風俗通居當今以覽太古自  
 昭昭而  
 ○亭亭 聳立貌文選狀亭亭以茗茗曹丕詩  
 本冥冥  
 ○亭亭 西北有浮雲亭亭如車蓋太公兵法  
 高山盤石其上亭亭選詩亭亭山上松黃庭經九原  
 之山何亭亭謂心也又山名封禪書黃帝禪亭亭  
 ○獐獐 詩盧令令說文作冷冷 ○泠泠 水聲也文于載孺  
 清可以濯我纓混混之水濁可以濯我足劉歆遂初  
 賦回風盲其飄忽兮迴颭颭其泠泠文選雷泠泠以  
 夜下兮陸機文賦文徽徽以溢目音泠泠而盈耳樂  
 府詩山溜何泠泠杜子美詩雲闕虛冉冉風松肅泠  
 泠 ○鈴鈴 說文雷餘聲鈴鈴挺出萬物 ○軫軫 山海  
 桑之獸其 ○稜稜 選稜稜霜氣蔌蔌風威唐詩璨璨  
 名曰軫軫 ○稜稜 繁星駕秋月稜稜霜氣韻鐘聲  
 ○愜愜 戒也說文 ○矜矜 戰戰矜矜 ○熒熒 宋玉賦  
 引逸詩





蕭注蕭音颺 樓樓 同上南 ○攸攸 爾雅注引詩 ○焯

焯 說文引詩 ○溘溘 爾雅注引詩 ○怗怗 憫憫皮日

○條條 音由爾雅條 條秩秩智也

十二侵

允允 音淫說 文行貌 沾沾 同上淫淫 宋玉賦洪波淫淫楚辭又

盤乎 瀉瀉 參同契淫淫 ○淋淋 枚乘七發砾砾 選漂

之砾 ○參參 思元賦長余 參參 水經注遠望參參 ○

岑岑 頭痛貌 漢書 涔涔 潘尼苦雨賦聽 ○窅窅 森森 ○

惜惜 韓詩惜惜夜飲左傳祁招之情惜列女傳 搶搶

淮南子搶 搶欲臥也

十三覃

十四鹽

十五咸

嚴嚴

羣經音辨引詩維石嚴嚴老子指歸清風颯烈

苦霧皎

○濂濂 力鹽切薄水也文選雷泠泠以夜下

皎悲泉

○濂濂 分水濂濂以微凝素問期在濂水又

云期在石水厚米為

○斬斬 尚書太傅

石水薄水為濂水

○天 引詩

憂心

○天 引詩

謂宮室之深邃也韓文

○天 引詩

潭潭府中居當用此字

○天 引詩

而噍東方朔云蠶之狀喙

○天 引詩

吽吽似馬色斑斑似虎

○天 引詩

往 岳岳

○天 引詩

有 檐檐

○天 引詩

味 檐檐

○天 引詩

佔 佔

○天 引詩

奴傳



古音複字卷三

成都 楊慎撰 綿州 李調元 校定

一董 二腫

跂跂

集韻引詩

踉蹌

同上

○總總

汲冢周書殷政

從從

疾貌

郊祀歌旌容容

從從

容容

以倚轄

般

○翁翁

周禮酒正注

色

○種種

髮短貌

左傳余髮種種

又謹愿貌

莊

○悚

文選

悚

文選竟悚悚其驚斯心惴惴而發悸

三講

懍懍

懼也

四紙

縱縱 宋玉賦縱縱莘莘淮南招隱同纏纏同纏纏上○豸豸以音

說文豸豸獸○婉婉 神女賦也○耳耳 詩六轡耳耳字

背隆起貌○說文志吳童謠曰黃金斑蘭耳緝緝上磨磨上○藥

說文金飾馬耳即詩所謂也○藥垂貌選詩藥○認認 荀子論秦云啖啖然常欲人

已 藥垂貌選詩藥○認認 荀子論秦云啖啖然常欲人

已 藥垂貌選詩藥○認認 荀子論秦云啖啖然常欲人

柎 柎葉 ○唯唯 詩其魚唯唯注順從之貌曲禮止慎

諾方氏曰唯之聲連 ○擊擊 說文引詩赤鳥已已文

引詩赤鳥已已 ○混混 韓詩河水混混作沔沔 泔泔 釋文瀾瀾 泔泔 上

五尾

疊疊 猶勉勉也禮記君子達疊疊焉楚辭時疊疊而

過中選元陰耽耽清流疊疊許詢詩疊疊元思



葉泥泥選詩衰柳尚沉沉凝露  
方泥泥杜詩秋風蕭蕭露泥泥

九蟹

駭駭韓文其鼓駭駭又音以 駭駭同駭駭疾雷擊鼓曰駭即韓文所謂駭也

十賄

浼浼詩河水浼浼 泥泥同上又祇韻

十一軫

軫軫文選紛紛 展展文選隱隱展與軫軫同 蠢蠢動擾貌左傳今王室實蠢蠢焉

蹙蹙說文引左傳王室日蹙蹙焉 泯泯杜詩江流泯泯清 湏湏疊波貌

十二吻

樽樽說文引詩樽樽舞我 尊尊子木切文選嘉穎離台以尊尊 殷殷郊祀歌靈殷殷

爛揚光呂氏春秋舞爲天子陳陳殷殷莫不  
被澤文選殷殷均乎姚澤膺膺尚于周原 ○扨扨

音隕見  
文韻

### 十三阮

販販韓詩威儀販販 ○渾渾山海經渾渾泡泡郭璞云裘咆二音 ○婉婉楚辭

龍之婉婉兮選  
詩婉婉幕中驚

### 十四旱

款款詩老夫灌灌注猶款款也楚辭惘惘款款朴以忠乎文選范張款款於下泉尹班陶陶于永夕

○侃侃侃侃 ○籛籛籛籛 墠墠荀子墠墠非變

也注引隨巢子曰有陰雨遠者有墠 ○纂纂古樂府

纂纂



十五潛

飛 飛揚子鷹 ○ 睨 睨莊子睨然 ○ 板 板詩上帝板

詩上帝板板主何物  
日車榻榻向西沒

十六銑

鞞 鞞胡犬切詩鞞鞞佩璫 瑄 瑄同蘭 繭 繭禮記言容繭繭注 ○ 熒

熒 熒音彬 ○ 允 允音允文選 ○ 泣 泣選詩泣泣 ○ 邀

邀 邀石鼓文其 ○ 幪 幪音闡說文引

十七篠

十八巧

十九皓

嫿 嫿往來 ○ 躄 躄詩其馬 ○ 縹 縹王褒祀碧鷄 ○ 窅

窅 窅說苑將將之臺窅窅其怪怪 ○ 窅 窅引詩我心怪怪燥燥

上同

二十舸

璅璅

璅璅易旅璅璅

○僂僂

音僕荀子蠶賦僂僂兮其狀

○火火

司馬法驕驕灑灑

儻人人正正辭辭  
火火不知何解

二十一馬

灑灑

李賀詩日脚淡光紅灑灑  
龜蒙詩日染中流紅灑灑

○雅雅

韓文魚雅雅

○若

若

垂貌漢書印何  
纍纍緩若若邪

二十二養

快快

史記白起聞遷尚快快不服有餘言淮南子唐  
虞日孳孳以致于王桀紂日快快以至于死周

亞夫傳鞅鞅  
非少主臣也鞅鞅上

○兩兩

天文志泰階六符兩兩相比

○莽莽

宋玉賦涉莽莽馳萃  
萃楚辭草木莽莽

○爽爽 晉帖爽爽  
如有神力 養養 詩憂心

秦秦 同上

二十三梗

井井

易往來井井荀子井

○囧囧

韓文公詩月吐窓

秋月 耿耿

耿耿 漢碑

○鞏鞏

劉向九歎心鞏鞏而不  
夷注拘攣貌又作蛩蛩

二十四迴

二十五極

恹恹

詩憂心

○整整

北堂書鈔引孫子兵法不

○叮

叮

論衡叮叮如荆刺

○矐矐

文選目矐

○挺挺 直也

扃扃

左傳引逸詩周道

○省省

方言往來

二十六厚

莽莽

楚辭草木莽莽又養韻

○首首

鬻子其道首首然

○否否

不然而之辭史記

唯唯  
否否

○黝黝  
油麻紵油音又

幽幽  
同上

二十七寢

痒痒

寒貌唐詩入林寒痒痒

○心心

貌廩廩

廩廩循良傳

二十八感

二十九琰

三十謙

閃閃

杜詩霏霏雲氣重閃閃浪花翻唐詩寒鴉閃閃前山去

○剡剡

光也禮記弁行剡剡

起履楚辭皇剡剡其揚靈兮

○闕闕  
軍旅之容周

○湛湛

厚貌楚辭忠湛

湛而願進

○堪堪

同上厚貌漢郊祀歌羣生湛湛

○鞞鞞

音坎鼓聲也

○愴愴

徒敢切楚辭心

○黥黥

束皙賦黥黥重雲輯輯和風

古音複字卷三

古音複字卷四

成都 楊慎撰 綿州 李調元校定

一送 二宋

夢夢

不明也詩

儻儻

同上

○ 蚱蚱

音恍

楊子法言注引

蚱蚱出放

光蟲食

物也

○ 躬躬

曲躬也史記

躬躬如畏

○ 辣辣

山海經泰戲之

山名曰辣辣

辣辣

之

三絳

惹惹

陟降切說文引左

憧憧

意不定貌易

四寘

遂遂

相隨行貌禮祭儀陶陶

燧燧

同上

穉穉

詩禾麻

○ 倖倖

說文引詩

○ 懿懿

文選懿懿芬芬又劉向

○ 威儀

倖倖

○ 威儀

倖倖

○



無守貌又良士瞿  
瞿注顧禮義也  
○器具  
荀子器具而王具具而  
霸具具而存具具而亡○

億億  
荀子億億然離離  
然是學者之鬼也

八霽

嘒嘒  
小聲也詩嘒嘒管聲又  
嘒嘒又鳴蛸嘒嘒  
○裔裔  
宋玉賦步裔裔

泉賦  
纒手淫淫盤乎裔裔左思賦  
裔裔今曜殿揚雄甘

紆長袖而屢舞翩躚躚以裔裔  
○澌澌  
陰也詩澌澌也左

傳其樂  
○戾戾  
選詩鮮涼舉  
○曠曠  
陰也詩曠曠也

也洩洩  
○戾戾  
尊戾戾颺風舉  
○曠曠  
陰也詩曠曠也

敝敝  
莊子敝敝焉  
○綴綴  
不乖離貌荀子綴綴然

九泰  
以天下為事  
○綴綴  
督督然是子弟之容也

旆  
詩胡不旆旆  
旆旆  
山海經敦水  
○肺肺  
普蓋切詩

又荏菽旆旆  
旆旆  
多旆旆之魚  
○肺肺  
東門之楊

鉞鉞  
詩文引詩鑿聲  
○伐伐  
羣經音辨引詩其

鉞鉞今作噉  
○伐伐  
旆伐今作葭葭  
○旆



其葉脫脫舒遲也詩舒媵媵同上○霈霈楚辭雲與

十卦

怖怖邁邁說文引白○媵媵火光也若怪切詩○介

介猶耿耿也後漢書

十一隊

眡眡古文尚書眡眡我思之今沒沒左傳何沒梅梅

禮記視容媒媒莊子媒媒○曖曖昏昧貌楚辭時夔夔史記時

若夔夔

十二震

信信荀子信信信也陳陳音陣呂氏春秋殷

信信疑亦信也陳陳殷陳陳無不被澤

十三問

斤斤 察也詩斤斤其明吳漢 ○文文 音問鳥名 ○分

分荀子分分兮 其有終始也

十四願

寸寸 杜詩鳥几重重 ○驩驩 石鼓文右 ○曼曼 鄒陽

長夜曼曼 何時旦 ○昏昏 不潦也 呼困切

十五翰 十六諫 十七霰

磯磯 善言也公羊傳 瞑瞑 荀子瞞瞞 ○瞢瞢 博雅瞢

息息 懇惻款誠說文引詩 ○渙渙 春水盛也韓詩作

士與女方秉束兮 洹音桓東即蘭也 煥煥 奘奘明也黃庭經 ○汕汕 所



十八嘯

十九效

二十號

瞿瞿

單單然然

○躑躑

詩其馬躑躑又躑躑王之造

○

炤炤

音照荀子炤炤兮其用智之

○曜曜

文選曜

○

噉噉

莊子噉噉然隨而哭

○焦焦

卑趨貌禮記

○哨

哨

楊子匪伏匪堯禮

○笑笑

古文苑搗素賦笑

二十一箇

娑娑

文選修初服之

些些

○箇箇

杜詩蕭蕭

箇五花文又砧響家家發樵聲箇箇同  
又却繞井闌添箇箇偶經花塢弄輝輝

二十二碼

夜夜

古樂府有

○籍籍

地名枚乘七發戰

○啞啞

易



柄 ○ 硜硜 說文引論語語硜硜 硜硜 磬磬 同上硜即柄柄 詩憂

二十六宥

究究

詩自我人究究

○ 瀏瀏

楚辭乘騏驥之瀏瀏兮

○ 瞽瞍

謹也荀子綴綴然瞽

晉然是子弟之容也 眴眴

同上素問

○ 油油

音又選詩油油麻紵

二十七沁

恻恻

恻恻倪倪恐慙貌

○ 甚甚

穀梁爰婁傳君子聞之曰夫甚甚之辭焉

二十八勘

二十九豔

三十陷

湛湛

露貌 ○ 檻檻

車行聲也詩大車檻檻文選出車檻檻被練鏘鏘

○ 闕闕

保氏注軍旅之容 闕闕仰仰仰音昂

○ 淦淦

杜詩注江市戎戎暗山雲淦淦寒博雅淦淦水不波也

言寒雲凝聚 ○ 泚泚 泚泚同左傳泚泚乎 ○ 颯颯 泚

如不波之水 ○ 颯颯 其景越王 ○ 啖啖 併吞之貌荀 ○ 澹

夫人歌颯颯獨兮西往 ○ 啖啖 子論秦見前 ○ 澹

澹 楚辭水澹澹而盤行兮 淡 選詩綠池浮 ○ 鳳凰

音梵內典鳳凰裂序蒼蒼外度乃鍊五石以補之陰

青邱戮修 蛇於洞庭

古音複字卷四

古音複字卷五

成都 楊慎撰 綿州 李調元校定

一屋 二沃

先

音陸說文先先詹諸也其鳴

○錄錄

不自異也史記公等

錄

蕭何傳錄錄未有奇

碌碌

同碌碌

玉貌鹿鹿同

節

灌夫傳帝在即錄錄

錄錄

廣韻引

遂遂

衆也踈踈淮南

古

陸陸

同上馬

嫁嫁

毛遂傳

遂遂

博雅踈踈子

○漉漉

古樂府有

○藪藪

詩藪藪方有穀爾雅菜謂

藪藪

風威唐詩

風動落花

○翮翮

鳥飛足縮也詩翮

翮

○祝祝

莊子萬

紅藪藪

○蠹蠹

文選崇

○燭燭

文選燭燭

○旭旭

石

祝也

○屨屨

音僕說

○翌翌

謹愿貌鮑宣傳

願竭翌翌之思

○謾

鼓

杲杲





○鷺鷥

鳥肥貌詩

鶴鶴

同上見

矐矐

同上見

颯颯

音朴

西都賦颯

○連連

竹角切

石鼓文

徒御連連而日高兮

○噉噉

音朴

或隔隔而噉噉

設設

說文

四質

戴戴

說文引詩

袂袂

說文引詩

豔豔

同上

律律

集韻

南山律律

○櫛櫛

唐詩

車馬

○瑟瑟

選詩

瑟瑟

音谷

今作律

○櫛櫛

唐詩

車馬

○瑟瑟

選詩

瑟瑟

音谷

械械

古詩

淚如霜

後葉械

械下庭

柯韋詩

古刀

寒

同械械

鋒青械

少年結

交平陵

客劉禹

錫詩

古刀

寒

自蕭

○卽卽

漢郊祀

歌美

唧唧

古樂府

唧唧

捭捭

捭捭

○呶呶

音啞

又

○狺狺

飛羽舒

捭捭

捭捭

五物

弗弗

詩飄風弗弗墨子君必有弗  
弗之臣上必有諾諾之下  
颼颼也颼颼上○

苑苑

苑古鬱字詩有苑者柳選詩  
苑苑園中柳又洛中何苑苑  
○惚惚忽芴芴上

芻芻

同上楚辭歲芻  
芻而適盡兮  
○勿勿禮勿勿其欲享之也說  
文遽稱勿勿晉帖勿勿

不暇  
草書

○茈茈與紼紼同楚辭左  
朱雀之茈茈兮  
紼紼上

六月

搨搨

莊子搨搨然  
用力甚多  
○矻矻上同  
○漏漏汨汨水  
聲也○

咄咄

晉殷浩失志書空云咄咄怪事四  
字杜詩咄咄寧書字冥冥欲避矧  
○杌杌兀兀  
不動

貌史記兀  
兀如木人

七曷

洑洑

洑洑激流也  
說文引詩  
○活活水聲也選詩  
活活夕流駛○

鱗

鯁 詩 鯁 鯁 鯁 今作發 發 發 發 詩 發 發 字 鯁 鯁 同

八黠

察察

老子其政察察其民缺缺又俗人察察我獨悶

子注疏介士察

札札 選詩札札

乙乙 音軋文賦思

察大德洋洋 札札 弄機杼 乙乙 元結補樂 軋 軋 唐

注難出貌又陰氣尚強其出乙乙 於筆切非 軋 軋 詩

九屑

重重

音臬重重國 漆漆 音切禮記祭禮之容濟濟

漆漆者容 韓 軋 軋 同 上 卮 卮 說文引詩 卮

晰晰 昭晰明也詩庭燎晰晰禮晰晰明行事字一作哲

哲哲

見上文

齧齧

易林鬪鬪齧齧

○決決

盧綸詩決決溪流到

處聞王建詩温

○涪涪

同上選辭記涪涪其前

○奠奠

石鼓文變

○契契

吹之而落豈此契契哉

○望望

骨挈挈勤思

○節節

說文節節足足爵鳴也

悚

東京賦悚

○掣掣

海賦或掣掣曳曳於俚人之

咽咽

魯頌鼓

○僣僣

音肩郭璞爾雅注音聲僣僣

十藥

鼈鼈

與覃同音胡郭切

○閣閣

詩約之格

格

同上周禮注引

○落落

水清澄貌山海

落落後漢

天台山賦籍萋萋之纖草蔭落落之長松

○鑿鑿

貌詩白 ○ 膜膜 賈誼新書旭旭然如日之入 ○ 角角 唐

石鑿鑿 ○ 膜膜 初出膜膜然如日之入 ○ 角角 唐

建涼州詞城頭山鷄鳴角角 ○ 幕幕 文選建罔車 ○

洛陽家家學胡樂角讀如字 ○ 幕幕 之幕幕兮 ○

十一陌

趨趨 石鼓文洋 ○ 繚繚 石鼓文繚 ○ 霍霍 明也樂府

向猪羊唐詩菱花霍霍亂曉粧又

贈魚纖薄也西征賦霍霍隳隳

團團 音驛說文引周書團 ○ 嘑嘑 音聲也楊子通諸

百百 同上 ○ 液液 參同契淫淫若春 ○ 釋釋 漢五行志

農書云土長冒掘陳根可拔耕同  
者急發管子亦曰農耕及雪澤郝郝上釋釋上規規

生責切莊子〇役役莊子衆人役役又〇籍籍相踐

相如賦它它籍籍又地名〇脊脊莊子天下〇涪涪

文選七發戰于籍籍之口〇脊脊長貌賈至詩江南

唐詩梅枝帶雪微微〇羃羃芳草初羃羃愁殺江南

折水脉流水清清鳴〇械械與瑟瑟同風聲也又隕落

獨愁客玉川子詩〇瑟瑟也故琴瑟之瑟在質韻唐

玉階蕭瑟生青草〇瑟瑟也故琴瑟之瑟在質韻唐

人押蕭瑟之瑟在陌韻杜詩〇瑟瑟水名水經瑟瑟

靡靡踰阡陌人烟渺蕭瑟〇瑟瑟水與濟水合〇

詒詒說文詒詒孔子容也玉藻言容〇覘覘選盈盈

一水間覘〇格格唐詩格格水〇昔昔樂府有昔昔昔昔

覘不得語〇格格唐詩格格水〇昔昔樂府有昔昔昔昔

庚庚西家之魚可名策策〇昔昔樂府有昔昔昔昔

與夕〇迹迹方言迹迹肩

同

十二錫

儵儵

爾雅注與

○踧踧

說文引詩山川

○菽菽

同上釋文引詩今作

滌濯濯

與滌同山禿貌孟子是以若彼濯濯

○趨趨

史記引詩

○珞珞 歷歷老子珞珞

○析析

選詩析析就衰林皎

皎明秋月又森森荒樹齊析寒

○愁愁 楚辭記滴

○澹澹

漢書注引

兮悼來者

○適適 莊子適然驚

○澹澹

易其欲澹

澹 逐逐

易其欲逐

○冪冪

楊炯賦離離碣石之鴻冪

○狄狄

狄然莫莫然

○袖袖

說文行

十三職

惻惻

選詩惻惻

側側

晉書童謠側側

○力力

見

○愬





樹樹子入切說文巖盛○邑邑絕絕音帖佶佶勇壯貌莊子佶佶乎

不耕而顧

### 十五合

納納劉向九歎裳襜襜而含風衣納納而掩露裴遜  
郡國○磕磕石聲相如賦碾碾磕磕左溘溘堯千鍾  
舜百壺子路溘○沓沓孟子泄泄猶沓沓唐詩沓沓馬  
溘亦飲一榼○沓沓旌容容騎沓沓  
蹄誰諳諳荀子君子之言差差然而○鯨鯨魚名山  
見過諳諳齊愚者之言諸諸然而涕

### 十六葉

沾沾自整貌漢書沾沾唐書王叔文喋喋多言沾沾沾沾自喜沾沾沾沾小人沾沾沾沾小人沾沾沾沾小人

史記匈奴傳中行說謂漢使曰顧○獵獵鮑照詩獵  
無多辭令喋喋而佔佔冠固何當○獵獵獵獵風遵

王翰詩胡沙獵獵吹人面温  
 庭筠詩獵獵東風欲赤旗  
 氣淒淒而就寒江淹詩燮  
 燮涼葉奪戾戾颺颺舉  
 ○攝攝 楓木一名攝  
 ○傑 爾雅弈弈傑 傑傑同  
 傑 樂府詩銀河欲轉星  
 也庚信詩靨上 傑 靨言曉星寥落如面靨  
 星稀黃中月落 ○嗃嗃 王文考王孫賦或嗃  
 說文引詩霽霽 嗃而殼殼嗃音嗃  
 震電今作焯 ○霽霽 霽言曉星寥落如面靨

十七洽

甲甲 堪輿書甲甲喜  
 晴庚疾喜雨 ○媵媵 說文媵媵  
 得志也  
 ○霽霽 上官  
 霽臨鳳凰沼  
 霽霽雨聲來

古音複字卷五畢

